

四庫全書

史部

欽定四庫全書

史部

類宮禮樂疏卷二

詳校官監察御史<sub>臣</sub>劉芬

編修<sub>臣</sub>程嘉謨覆勘

總校官知縣<sub>臣</sub>楊懋珩

校對官待詔<sub>臣</sub>胡士震

謄錄監生<sub>臣</sub>楊廷錫

欽定四庫全書

類宮禮樂疏卷二

明 李之藻 撰

從祀沿革疏

古者功臣與祭大烝未聞弟子而從祀於師者其從祀何也聖人之徒親炙私淑不必同然躬任斯道羽翼紹明夫皆有功後學列諸祀典亦崇德報功之義也元和過魯兼祀羣賢正始臨雍配專顏子自唐以降率躋經

師至於禮備義嚴則於今為盛焉與從祀者子思孟子暨及門七十四子而外春秋迄漢共十人隋唐各一人宋十八人元一人皇明四人共一百九人而顏路曾皙伯魚別祀啓聖嗣

漢章帝元和二年二月幸魯祀孔子及七十二弟子

按此及光和鴻都門畫像皆稱七十二弟子考王肅  
本家語所載弟子前目七十二後目七十五其中間  
所列姓名自顏回至顏祖計七十六彼此互異史記  
載孔子之言曰受業身通者七十有七人北齊顏之  
推稱仲尼門徒升堂入室者七十有二顏氏居八唐  
顏真卿自叙家譜亦稱孔門達者七十二人顏氏有



八今肅本顏氏止七人而史記有顏何字冉索隱證  
之曰家語字稱然則家語原有顏何肅本漏耳所云  
七十七人者是也家語無公伯僚秦冉卽單史記無  
琴牢陳亢懸置或謂懸置卽卽單蓋字畫之誤云文  
翁石室圖七十二人比家語少公西與懸置原桃公  
肩公夏守勾井彊卽選顏何八人多達瑗秦冉味放  
三人蘇子由古史兼收論語家語史記凡七十九人  
唐贈典禮樂志及會要所載俱七十七人姓名與史  
記同獨杜氏通典所載除十哲外自計七十三人係  
增入達瑗杜放陳亢申張琴牢琴張六人也夫達瑗  
杜放公伯僚未必弟子而琴張卽是琴牢申當卽是  
申張自應去此五人今記典又無顏何秦冉二人共  
得七十七人漢人第謂  
七十二弟子不知何據

魏主芳正始二年使太常釋奠孔子於辟雍以顏淵配

按北顏子配享之始歷  
晉宋齊梁陳隋無改

北魏主宏太和十九年如魯城祠孔子改封二十八葉

靈珍為崇聖侯拜孔氏四人顏氏二人官

按北顏子錄後之始國朝景泰三年錄顏孟嫡孫世  
五經博士六年錄朱熹裔孫挺七年錄周敦頤裔孫  
冕弘治六年錄衢州孔氏孫彥繩俱五經博士正德  
元年設子思書院博士以衍聖公嫡次子孫為之嘉  
靖改元又錄婺源朱氏孫璽十八年錄曾氏孫質  
粹于是四配俱世博士而朱氏乃有兩博士云

北齊制每月朔祭酒率諸生拜孔揖顏郡學亦每月朝  
唐太宗貞觀二十一年二月壬申以左丘明卜子夏公

羊高穀梁赤伏勝高堂生戴聖毛萇孔安國劉向鄭

衆賈逵杜子春馬融盧植鄭康成玄服子慎虔何休

王肅王輔嗣弼杜元凱預范甯二十二人代用其書

垂於國胄自今有事於太學與顏子俱配並為先師

按此諸儒配享之始丘濬曰諸儒從祀孔子皆其  
有功於聖人之經者也卜子夏毛萇有功於詩左丘

明穀梁赤公羊高有功於春秋伏勝孔安國有功於  
尚書高堂生戴聖有功於禮王輔嗣有功於易劉向

鄭衆杜子春馬融盧植鄭康成服子慎王肅賈逵則  
通有功於諸經者何休杜元凱范甯則又有功于三

傳者然子夏在十哲之列而此又列之者是時七十  
二子雖列象廟堂未得享祀惟子夏以有功於詩得

在從祀之列

高宗永徽中制改先聖孔子為先師降顏回左丘明從祀

顯慶二年詔仍以孔子為先聖左丘明等二十一人與顏回俱配享于太學

總章元年贈顏回太子少師曾參太子少保並配享孔廟

此弟子追贈及曾子配享之始至開元八年李元瓘復請從享僅得坐次十哲當時舉廢之故載籍無徵

二十七年孔子正南向位獨配顏淵一人十哲贈侯而魯子弟贈以伯禮從貶殺然則顏曾並配在唐無定典也至宋咸淳復與思孟同為四配而迄今遂為永制矣

睿宗太極元年二月加贈顏回太子太師曾參太子太保

玄宗開元八年詔十哲為坐像悉從祀曾參坐十哲之次圖七十弟子及二十二賢於廟壁

司業李元璿言孔子廟顏淵配其像立祀準禮授坐不立授立不跪請據禮文合從坐侍又四科弟子閔子騫等雖列像廟堂不參享祀謹按祠令何休等二十賢猶當從祀豈有升堂入室弟子獨不配享

之餘望請春秋釋奠列享於二十二賢之上又七十  
子之像文翁之壁尚不闕如豈有國庠遂無圖繪請  
命有司圖形於壁兼為之贊又曾參孝道可崇獨受  
經於夫子並塑從享乃詔顏子等十哲為坐像悉從  
祀曾參坐次之圖繪七十子及二十二賢上以顏子  
亞聖親為贊書刻於石仍令當朝文士分為諸贊題  
其壁焉按此十哲魯子坐像及親製御贊之始以  
馬端臨曰聖作之者也師述之者也述夫子之道以  
親炙言之則莫如十哲七十二賢以傳授言之則莫  
如子思孟子必是而後可以言先師可以繼先聖今  
舍是不錄而皆取於釋經之諸儒始以二十二子言  
之左丘公穀猶曰受經於聖人至於高堂生以下則  
謂之經師可矣非人師也如毛鄭之釋經於名物因  
為該洽而義理間有差舛至王輔嗣之宗旨老莊賈  
景伯之附會識緯則其所學已非聖人之學矣又此  
戴聖馬融之貪鄙固當見擯於洙泗今乃俱在脩食

之列而高第弟子除顏回之外反不得與李元瓘雖  
懇懇言之而僅能升十哲曾子齊於二十二子之列  
而七十二賢俱不需享祀蓋拘於康成之  
註而以專門訓詁為盡得聖人之傳也

二十七年八月贈顏回充國公配享又贈閔損費侯冉  
耕鄆侯冉雍薛侯冉求徐侯仲由衛侯宰予齊侯端木  
賜黎侯言偃吳侯卜商魏侯曾參邾伯顓孫師陳  
伯澹臺滅明江伯宓不齊單伯原憲原伯公冶長莒  
伯南宮适邾伯公哲哀邾伯曾點宿伯顏無繇杞伯  
商瞿蒙伯高柴共伯漆雕開滕伯公伯寮任伯司馬

耕向伯樊須樊伯有若卞伯公西赤邵伯巫馬施卽  
伯梁鱣梁伯顏辛蕭伯冉孺邵伯曹卹豐伯伯虔鄆  
伯公孫龍黃伯冉季東平伯秦祖少梁伯漆雕哆武  
城伯顏高瑯琊伯漆雕徒父須句伯穰駟赤北微伯  
商澤睢陽伯石作蜀郈邑伯任不齊任城伯公夏首  
亢父伯公良孺東牟伯后處營丘伯秦冉彭衙伯奚  
容蒧下邳伯公肩定新田伯顏祖臨沂伯鄒單銅鞮  
伯句井彊淇陽伯罕父黑乘丘伯秦商上洛伯申黨



召陵伯公祖句茲期思伯榮旂雱婁伯縣成鉅野伯  
左人郢臨淄伯燕伋漁陽伯鄭國滎陽伯秦非汧陽  
伯施常乘氏伯顏噲朱虛伯少叔乘淳于伯顏之僕  
東武伯原亢藉萊蕪伯樂欬昌平伯廉絜莒父伯顏  
何開陽伯叔仲會瑕丘伯狄異臨濟伯邾異平陸伯  
孔忠汶陽伯公西與如重丘伯公西蒧祝阿伯

按此從祀者封爵之始一公九侯六十七伯魯徐唐  
書次序一本有遂媛衛伯林欽清河伯陳亢顓伯申  
叔魯伯琴堂南  
陵伯多五人

後唐明宗長興二年以顏子配坐閔損等十哲從祀堂

上

又進大常禮院古物口壁  
月書其賢各陳請臨以祭

宋太祖建隆元年親製充國公贊餘先賢先儒侍臣分  
贊

真宗大中祥符二年五月乙卯詔進封孔子弟子顏回  
以下閔損瑯琊公冉耕東平公冉雍下邳公宰予臨  
淄公端木賜黎陽公冉求彭城公仲由河内公言偃

丹陽公卜商河東公曾參瑕丘侯顓孫師宛丘侯澹  
臺滅明金鄉侯宓不齊單父侯原憲任城侯公治長  
高密侯南宮适龔丘侯公哲哀北海侯曾黠萊蕪侯  
顏無繇曲阜侯商瞿須昌侯高柴共城侯漆雕開平  
輿侯公伯寮壽張侯司馬耕楚丘侯樊須益都侯公  
西赤鉅野侯有若平陰侯巫馬施東阿侯陳亢南頓  
侯梁鱸千乘侯顏辛陽穀侯冉孺臨沂侯冉季諸城  
侯伯虔洙陽侯公孫龍枝江侯秦冉新息侯秦祖鄆

城侯漆雕哆漢陽侯顏高雷澤侯漆雕徒父高苑侯  
穰駟赤上邽侯朴放長山侯商澤鄒平侯石作蜀成  
紀侯任不齊當陽侯申枬文登侯曹邨上蔡侯奚容  
蒧濟陽侯申黨淄川侯公祖句茲即墨侯榮旂厭次  
侯縣成城武侯左人郢南華侯燕伋汧源侯鄭國胸  
山侯秦非華亭侯施之常臨濮侯顏噲濟陰侯步叔  
乘博昌侯句井彊濫陽侯公西與臨朐侯顏之僕寬  
句侯邁瑗內黃侯叔仲會博平侯顏何堂邑侯狄黑

林慮侯公良孺牟平侯邾巽高唐侯孔忠鄆城侯申  
振文登侯公西蒧徐城侯琴牢頓丘侯仍命宰執兩  
制館閣撰贊

初帝開崇文院檢定七十二弟子案史記唐會要凡  
七十七人今曲阜廟惟七十二人帝曰何故不同王  
旦曰國學七十二弟子經大  
祖定議曲阜准國學畫像

七月戊寅封左丘明瑕丘伯公牟高臨淄伯穀梁赤  
丘伯伏勝乘氏伯高堂生萊蕪伯戴聖楚丘伯毛萇  
樂壽伯孔安國曲阜伯劉向彭城伯鄭衆中牟伯盧

植良鄉伯杜子春縵氏伯馬融扶風伯鄭玄高密伯  
服虔滎陽伯賈逵岐陽伯王弼偃師伯何休任城伯  
范甯新野伯贈蘭陵亭侯王肅司空當陽侯杜預司  
徒命羣臣為贊

仁宗明道元年八月詔國子監修七十二賢堂左丘明  
以下二十二人並以本品衣冠圖之

神宗熙寧七年令諸州釋奠通祀十哲

京兆府教授蔣夔請以顏淵為兗國公母稱先師而  
祭不讀祝儀物一切降殺而進閔子騫九人亦在祀

典禮官以孔子顏子稱號歷代各有據依難輒更改儀物祝獻亦難降殺所請九人已在祀典熙寧祀儀十哲皆為從祀惟州縣釋奠未載請自今二京及諸州春秋釋奠並準熙寧祀儀詔封孟軻鄒國公

元豐元年五月壬戌封孟軻鄒國公塑像同顏回配享

又封荀況蘭陵伯揚雄成都伯韓愈昌黎伯並從祀

先是熙寧中判國子監常秩等請立孟軻揚雄像於廟廷仍賜爵號又請追尊孔子以帝號下兩制禮官詳定以為非是而止至是晉州教授陸長愈請春秋釋奠孟子宜與顏子並配議者以謂凡配享從祀皆孔子同時之人今以孟軻並配非是禮官言唐貞觀以漢伏勝高堂生晉杜預范甯之徒與顏子俱配享至今從祀豈在同時孟子於孔門當在顏子之列至於荀況揚雄韓愈皆發明先聖之道有益學者久未

配食誠開典也請自今春秋釋奠以孟子配食荀況  
楊雄韓愈並加封爵以世次先後從祀於左丘明二  
十一賢之間自國子監及天下學廟皆塑鄒國公像  
冠服同兗國公仍繪荀況等像於從祀荀況左丘明  
下楊雄劉向韓愈范甯下冠服各從封爵詔如禮  
部議按此孟子配享之始當宋盛時講明聖道者  
甚盛孔道輔況聖裔也然而兗州五賢之繪並軻之  
次即列荀況楊雄次以王通韓愈夫以道輔且爾而  
元豐諸臣抑又奚責乎荀楊今黜顧法言之楊雄又  
非劇秦美新之楊雄也胡正甫辨證甚晰當黜者似  
耳獨荀

八年二月命學士院撰鄒國公及荀楊韓子贊

徽宗崇寧元年二月追封孔鯉泗水侯偁沂水侯



# 大觀二年詔繪子思像從祀

從進仕卽侯孟請繪像從祀  
於左丘明二十四賢之間

四年九月追封公夏首鉅平侯后處膠東侯公肩定梁  
父侯顏祖富陽侯鄒單聊城侯罕父黑祈鄉侯秦商  
馮翊侯原抗樂平侯樂欬建成侯廉絜胙城侯

議禮局言史記弟子傳曰受業身過六藝者七十有  
七人自顏回至公孫龍三十五人顯有年名及受業  
見於書傳四十二人姓名僅存家語曰七十二弟子  
皆升堂入室者按唐會要七十七人而開元禮止七  
十二人又復去取不一本朝議臣斷以七十二子之  
說取琴張等五人而去公夏首等十人今以家語史

紀宋宣公夏若右處公肩定肅祖郭單罕父黑秦商  
原抗樂效麻絮唐會要開元禮亦互見之皆有伯魯  
蓋亦祀典諸通略侯

魯使顏餘厚從之

政和元年詔改從祀封爵之犯先師諱者於是改封曾

參武城侯顏孫師穎川侯南宮紹汝陽侯司馬耕睢

陽侯琴張陽平侯左丘明中都伯穀梁赤睢陵伯戴

勝考城伯

三年以王安石配享封舒王子雱從祀封臨川伯

注漢書以爲春秋口釋年仲春仲秋上丁日釋奠以  
簡安石配享俱與堂而向殿上則揭丹雘再雘字

子端木賜並西向冉求仲由言偃卜商曾參並東向  
東廡顓孫師以下至楊雄四十九人並西向西廡林  
放以下至王雱四  
十八人並東向

五年春詔樂正子克配享益廟公孫丑至子叔十七人

### 從祀各加封爵

封樂正子克利國侯公孫丑壽光伯萬章樽興伯告  
子不害東阿伯孟仲子新泰伯陳臻蓬萊伯充虞昌  
樂伯屋廡連奉符伯徐辟懷源伯陳代沂水伯彭更  
雷澤伯公都子平陰伯咸丘蒙須城伯萬子泗水伯  
杞應膠水伯益成括萊陽伯  
季孫豐城伯子叔承陽伯

靖康元年罷王安石配享猶從祀

右諫議大夫楊時言安石學衍之謬請追奪王爵明  
詔中外毀去配享之像使邪說流行不為學者之感  
詔落配享猶從祀又以尚書傅墨卿言禮饌  
依元豐祀儀陳設其五禮新儀勿復遵用

孝宗淳熙四年去王雱畫像

從趙粹  
中言也

理宗淳祐元年正月幸太學詔贈周惇頤汝南伯張載  
郃伯程顥河南伯頤伊陽伯與徽國公朱熹並從祀  
孔子廟庭黜王安石

按此則程張朱從祀之始先是紹興中胡安國請追  
爵二程張即從祀不報慶元中李道傳請取朱熹論

語孟子集註大學中庸章句或問頌之太學仍請以周惇頤及二程張邵從祀嘉定末李心傳亦乞以司馬光周惇頤邵雍張載程顥程頤朱熹七人從祀皆未施行至是詔曰孔子之道自孟子後不得其傳至我朝周惇頤張載程顥程頤真見力踐深探聖域千載絕學始有指歸中興以來又得朱熹精思明辨表裏渾融使大學中庸語孟之書本末洞徹孔子之道益以大明於世其令學官列諸從祀以示崇獎尋以王安石謂天命不足畏祖宗不足法人言不足惜為萬世罪人不宜從祀其黜之

# 景定二年贈張栻華陽伯呂祖謙開封伯俱從祀

皇太子既謁孔子廟還奏曰乾淳間文公朱熹與宣公張栻成公呂祖謙志同道合切思講磨如義利之辨如近思錄之書擇精語詳開牖後學誠有功於聖門今熹已秩從祀而栻祖謙尚未奉明詔臣竊望焉

故有  
是語

度宗咸淳三年以顏回曾參孔伋孟軻並配享進封參  
鄆國公伋沂國公定十哲位改封閔損費公冉耕鄆  
公冉雍薛公宰予齊公端木賜黎公冉求徐公仲由  
衛公言偃吳公卜商魏公躋顓孫思進陳公祀泗水  
侯鯉位於鄆城侯忠之次贈邵雍新安伯與溫國公  
司馬光俱從祀

御筆邵雍天挺人豪英雄蓋世司馬光有德有言有  
功有烈朱熹贊之與周程張俱雍述經世書發先天

真旨而內聖外王之學實闢吾道光著通鑑貽後世  
治法而真履實踐為時儒宗茲豈前代諸儒或以章  
句文詞得祠于學者比朕將臨辟雍因思朱熹所贊  
已祠其四而尚遺雍光非闕歟其令學官列諸從祀  
以示崇獎又御筆惟孔子獨稱顏回好學固非三千  
之徒所同也而其學不傳獨曾子傳子思子思傳孟  
子忠起兩語深契一貫之旨中庸一篇丕闡前聖之  
蘊而孔子之道益著向非顏曾思孟相繼演繹著書  
垂訓中更管商楊墨佛老幾何其不遂泯哉今顏孟  
侑食曾思不預尚為闕典其令禮官學官議可升曾  
思侑食併議可升十哲者以聞又詔泗水侯以先聖  
為之父以子思為之子而聞詩禮周南召南之學其  
在魯論著明如此鄆城侯忠其昆也亦在祀列伯魚  
可列于鄆城侯之次按此顏曾思孟配享之始先  
是端平中禮部尚書李真請以子思升祀堂上列在  
十哲之間至是乃定為四配居正位之東而西向其

十哲少次殿上東西對列俱北上丘濬曰古者祭  
祀几筵在西神時東向漢帝幸魯祠帝升廟西面再  
拜唐開元禮亦謂先聖東向先師南向三獻官皆西  
向猶有古意自尊孔子為王之後始改從南面而配  
位則西向獻官序立東廡前而行禮執事者升降必  
由東階以神道尚右西乃迎送神之所避右不敢當  
尊故也宋人以顏孟配享俱列在神像之東其後因  
王安石配享乃以坐對顏子西坐東向其後革去安  
石從祀增入曾子子思俱坐於東此姚燧所以有江  
左進曾子子思並顏孟之說然謂之並南面則不知  
何據也熊禾謂顏曾思孟所在學校皆東坐西向十  
哲兩廡從祀皆左右列則是宋末元初其制已如此  
矣今則四子者配享皆左右列不知始於何時意者  
宋金分治宋人之制如熊禾所云金人之制則以顏  
孟與孔子並列其後平宋又加以曾思因而不改燧  
燧之所見蓋北方廟像歟鄭曉曰近世多議從祀



諸儒而不及十哲十哲直取陳蔡一時遇難之賢非  
孔門定論自開元及今無敢議者夫有若之言四見  
於論語大類聖人公西赤志於禮樂有為邦之才其  
為古語政事不優於宰冉乎我求言行不必徵諸史  
傳論語中多有之視二子優劣何如宜進祀二子於  
殿上改求我廡中 潘府曰溫公宋之儒若孝友忠  
信恭儉正直其學無所不通一時師儒賴之領袖其  
居政府尤有旋乾轉坤之功惜乎所見畧偏不能無  
可議者如北孟子而好楊雄則扶持聖教之功有歟  
矣點獨漢而帝曹魏則羽翼聖經之功有愧矣俾之  
從祀孔廟子思其進無賴以見孟子退則諸葛亮文  
天祥之徒皆以無功著述不得同尊焉其心亦將有  
不安者矣 歐刻瑞口按鄭玄稱周公孔子俱為先  
聖故唐初當並祀之至顯慶中以周公作禮樂當同  
王者祀祀乃以周公配武王而孔子獨為先聖夫周  
公與周易制禮作樂非無學術迺祀在彼不在此蓋

人有所重也光功在社稷無祀周公以之配享哲宗  
廟度可也祀學尚可議何必從祀于孔子之廟哉王  
新建似亦當援此例蘇按司馬公學術功尚在  
歐陽之上而於繼往開來固未敢以輕許故存焉張  
二氏之論陽明謝良知一匡俗學雖源趣超悟與  
成遠徑然卓爾獨宗又在司馬之上此例未允況周  
公自是先聖既已尊崇孔子自當  
別祀與後儒侑享之義自百不同

# 元仁宗皇慶二年以許衡從祀

宋諸曰衡嗜學如饑渴夜思晝誦身體而力踐之言  
動必慎謂義而後發從柳城姚枢得伊洛程氏及新  
安朱氏書益大自得尋居蘇門與枢及密熙相講習  
凡經傳子史禮樂名物星歷兵刑食貨水利之類無  
所不精而慨然以道為己任嘗語人曰綱常不可一  
日而亡于天下苟在上者無以任之則在下之任也

又善教人其言煦煦雖與童子語如恐傷之故所至無貴賤賢不肖皆樂從之隨其才昏明大小皆有所得可以為世用所去皆哭泣不忍舍服念其教如金科玉律終身不敢忘或未嘗及門傳其緒餘而折節力行而名世者往往有之聽其言雖武人俗士異端之徒無不感悟者丞相安童一見衡語同列曰若輩自謂不相上下蓋十百與千萬耳翰林承旨王磐氣概一世少所與可獨見衡曰先生神明也大德二十年贈榮祿大夫司徒謚文正至大二年加正學垂憲佐運功臣太傅開府儀同三司封魏國公皇慶二年詔從祀孔子廟庋延祐初又詔立書院京兆以祀衡給田奉祠事名魯齋書院

文宗至順二年加封顏回為兗國復聖公魯參邨國宗聖公孔伋沂國述聖公孟軻鄒國亞聖公

國朝

太祖高皇帝洪武三年黜孟子祀踰年又奉聖旨我聽  
得孟子辨異端闢邪說發明先聖之道今後  
依還祭祀

二十九年春三月罷楊雄從祀進董仲舒追封江都伯  
從行人司副  
楊砥議也

宣宗章皇帝宣德十年四月壬戌追封元吳澄為臨川  
郡公從祀

時慈利教諭蔣明建議  
楊士奇胡濙等覆從之

英宗睿皇帝正統元年閏六月丁卯考正兩廡從祀名  
爵位次頒圖於天下學校

用忠州訓導  
宋廣言也

二年二月以宋儒胡安國蔡沈真德秀從祀

憲宗純皇帝成化二年春正月改封董仲舒為廣川伯  
又封從祀諸未有爵者胡安國為建寧伯蔡沈為崇  
安伯真德秀為浦城伯

孝宗敬皇帝弘治元年冬十月議墮正文廟從祀不果

行

禮科右給事中張九功請罷荀况馬融楊雄進禮部  
侍郎兼學士薛瑄下禮官集議尚書周經等言楊雄  
已歿於洪武時而薛瑄嘗與元儒劉因並欲從祀楊  
士奇謂其無著述而止自餘皆有羽翼聖經之功宜  
仍舊從祀少詹事兼侍讀學士程敏政奏曰臣考  
歷代正史馬融初應鄧騭之召為秘書歷官河郡太  
守以貪濁免官髡徙朔方又不拘儒者之節前授生  
徒後列女樂為梁冀草奏殺忠臣李固作西第頌以  
美冀為正直所羞衆醜備於一身五經為之掃地劉  
向初以獻賦進喜誦神僊方術嘗上言黃金可成鑄  
作不驗下吏當死所著洪範五行傳最為外駁使冀  
子經世之微言流為陰陽術家之小技賈逵以獻頌

為郎不修小節附會圖讖以致賢顯蓋左道亂政之  
人王弼倡為清談注易專祖老莊范甯以為罪深桀  
紂何休則止有春秋解詁一書熙周王魯又註風角  
等書班之於孝經論語蓋異端邪說之流也戴聖為  
九江太守治行多不法懼何武劾之而自免後為博  
士毀武於朝及子賓客為盜繫獄而武平心決之得  
不死則又告謝不慚身為賊吏子為賊徒王肅在魏  
以女適司馬昭當是時昭篡勢已成肅為世臣封蘭  
陵侯官至中領軍乃坐觀成敗及母丘儉文欽起兵  
討賊肅又為司馬師畫策以濟其惡若好人佞已乃  
其過之小者杜預所著亦止有左氏經傳集解其大  
節蓋無可獨如守襄陽則數饋遺洛中賈要伐吳之  
際因斫瘳之譏盡殺江陵之人以吏則不廉以將則  
不義凡此諸人其於名教得罪非小而議者謂能守  
其遺經轉相授受不為無功夫守其遺經若左丘明  
公羊高穀梁亦之於春秋伏勝孔安國之於書毛萇

之於詩高堂生之於儀禮后蒼之於禮記杜子春之於周禮可以當之以之從祀可也若融等不過訓詁此九人所傳者耳況其書行於唐故唐姑以備經師之數今易用程朱詩用朱子書用蔡氏春秋用胡氏又何取於不正之人使安享天下之祀哉至于鄭衆盧植鄭玄服虔范甯五人雖若無過然其所著亦未能以發聖學若五人從祀則漢唐以來當預者尚多臣愚乞將戴聖劉向賈逵馬融何休王肅王弼杜預八人褫爵罷祀鄭衆盧植鄭玄服虔范甯五人各祀於其鄉后蒼在漢初說禮數萬言號后氏曲臺記戴聖等皆受其業禮記非后氏不傳乞與左丘明等一體從祀又孔子弟子見於家語自顏回而下七十六人家語之書出於孔子當得其實而司馬遷史記所載多公伯寮秦冉顏何三人文翁成都廟壁所畫又多蘧瑗林放申枨三人先儒謂後人以所見增益殆未可據臣考宋邢昺論語注疏中枨孔子弟子在家



語作中緒史記作中憲其曹一也今廟庭從祀申枨  
封文宣侯在東廡中黨封淄川侯在西廡重複無稽  
一至於此且公伯寮剋子路以沮孔子乃聖門之莠  
膳而孔子稱堯為夫子決非及門之士林放雖嘗問  
禮然家語史記邢昺注疏朱子集註俱不載諸弟子  
之列秦冉顧何疑亦為字畫相近之誤如申枨申黨  
者但不可考耳臣愚以為申枨申黨位號宜存其一  
公伯寮秦冉顧何遜瑗林放五人既不載於家語七  
十子之數宜罷其祀若瑗哉二人不可無祀則乞祀  
瑗於衛祀放於魯或附祭於本處邦賢祠仍其舊爵  
以見優崇賢者之意何益春曰七十弟子門人有  
公孫尼子者作樂記緇衣矣吐詞為經宜列從祀敏  
政乃不之及何耶敏政又曰洪武二十九年司副  
楊砥建議黜楊雄建黃仲舒矣然蒲況楊雄實相伯  
仲而況以性為惡以德為偽以子思孟子為亂天下  
以子張子夏子游為賤儒哉程子有荀卿過多楊雄

欽定四庫全書

卷八

通少之說今古者欲立無訛之紀宜也漢儒莫如董仲舒唐儒莫如韓愈而尚有可議者一人文忠子王通是也通之言行先儒之論已多大約以爲儒經臣請斷以程朱之說程子曰王通祖德君子也論其粹處殆亦荀揚所及朱子曰大中子論治體處高似仲舒而本領不及真似仲舒而純不及又曰韓子原道諸篇不免文士之習利達之求若覽觀古今之變措諸事業恐未若通之精到題制而有條理也至於河汾師道之立出於魏晉儒老之餘迨今人以爲盛則通則豪傑之士也今董韓並列崇祀而通不預疑爲闕典臣又按宋儒自周子以下九人同列從祀而尚有可議者一人安定胡瑗是也瑗之言行先儒之論已詳大約以爲少著述臣亦請斷以程朱之說程子有詳學制曰宜建尊賢堂以延天下道德之士如胡瑗張戡邵雍使學者得以參式朱子小學書亦備歲後事以爲百世之法臣以爲自秦漢以來師道之立

未有過瑗者況宋端平二年議增十賢從祀以瑗為首若以為瑗無著述則元之許衡亦無著述臣考之禮有道德於教於學者死則為樂祖祭於藉宗廟瑗兩人師道百世如新得加封爵使與衡同祀于學宮最得禮意部議皆不從國初王律從祀議曰孔子廟庭從祀者凡百有五人自澹臺滅明至孔鯉七十一人皆受業聖人之門而承聖人之教者也自左丘明至許衡三十四人皆傳註聖經尊崇聖學而有功於聖人之道者也蓋自唐貞觀二十一年始以左丘明至范甯等二十一人從祀及宋元豐七年復增荀況楊雄韓愈以世次先後從祀左丘明二十一人之間淳祐元年又以周惇頤程顥程頤張載朱熹列於從祀景定二年又增張栻呂祖謙咸淳三年又增邵雍司馬光及元皇慶二年乃以許衡繼宋九儒居從祀之列所謂三十四人者也以今論之漢儒之從祀者十四人而猶闕者一人董仲舒是也唐之從祀

者一人而猶闕者一人孔穎達是也宋之從祀者九人而猶闕者四人范仲淹歐陽修真德秀魏了翁是也元之從祀者一人而猶闕者一人吳澄是也自夫益軻既往聖學不明邪說盛行異端並起歷秦至漢諸儒完經翼傳局于顯門之學而於聖人之學莫或有聞惟董仲舒號稱醇儒其學博通諸經於春秋之義尤精所以告其君者如天人性命仁義禮樂以及勉強遵行正誼明道之論皆他儒之所不能道至其罷黜百家表章六經以隆孔子之教使道術有統異端息滅民至于今賴之功殆不在孟子下以荀況之言性惡楊雄之事新莽猶獲從祀而仲舒顧在所不取何也秦焚之後聖經闕逸漢儒收拾散亡各為箋傳而偽學異說各自名家晉宋以來為說滋蔓去聖既遠莫可考證唐初孔穎達受詔撰定諸經之疏號曰正義自是以來著為定論凡不本於正義者謂之異端誠學者之宗師百世之取信也何休註公羊而

點周王魯王弼注易而專尚清虛害道已甚然在祀  
列胡獨至於顯達而遺之聖人之道或著事功或載  
文章用雖不同實則一致三代以下人才莫盛於宋  
東部其間慨然以聖人之道為已任而著之行事者  
范仲淹而已其言先憂後樂雖伊尹之任無以尚之  
況當其時天下學術未知所宗尚而仲淹首以中庸  
授張載以為道學之倡蓋其為學本乎六經而其議  
論無不主於仁義雖勲業未究而事功所及光明正  
大實與司馬光相上下自聖道不行世儒徒知章句  
以為事而孰知聖人經世之志固不專在是也歐陽  
修與仲淹同時明聖賢之學而著之文章其易春秋  
諸說詩本義等書發揮經學為精至其欲刪諸經正  
義識緯之說一歸於正尤有功於聖道至于本論等  
篇比之原道何愧而世之淺者每目之為文人夫文  
以載道雖經天緯地者亦謂之文而顧可少之哉然  
則如范仲淹之立功歐陽修之立名皆可謂有功於

聖道者韓愈司馬光既列從祀則此二人固決在所當取者也自周惇頤接聖賢千載不傳之緒而程頤兄弟承之朱熹有作五經四子皆有傳註論述統宗會元集聖賢大成中更學禁真德秀魏了翁力以尊崇朱學為己任而聖賢之學乃復明真氏所著有大學衍義讀書記魏氏所著有九經要義大抵皆黜異端崇正理質諸聖人而不謬足以續朱氏所傳之緒此二人者當繼朱氏而列於從祀者也及元興許衡起於北方尊用朱氏之學以教人吳澄起於南方孝經大學中庸易詩書春秋禮皆有傳註彙括折衷於禮經尤多刪正凡以補朱氏之未備而其真修實踐蓋無非聖賢正大之學則其入又可謂有功聖人之道宜與許衡同列從祀按祀法有功於聖道則祀之是七人者其有功於聖人之道如此而從祀闕焉此甚不可又按聖孫孔伋故列孔鯉之下而曾參亦在曾哲後成淳三年始升配為四侑東坐而西向父祀

廡下子配堂上尊卑辨逆莫此為甚聖人之道在於  
明人倫而先自廢亂何以詒後世借曰曾子子思以  
傳道為重然子必當為父屈昔魯祀僖公躋之閔公  
之上傳者謂子雖齊聖不先父食以為逆祀今孔氏  
曾氏父子之失序非逆祀乎是故曾參孔伋今當降  
居於曾皙孔鯉之下又司馬光於程顥程頤為先進  
張載於二程為表叙而位次皆在下其先後次序亦  
不可不明咸淳從祀徒依朱子六贊以周二程邵張  
司馬為序而不知朱子之贊特以形容六君子道德  
之盛初未嘗定其先後之次胡可遂據以為準乎是  
故司馬光張載今當陞居於程顥程頤之上若夫荀  
況楊雄何休王弼之徒有不當與於從祀者茲又未  
敢以遽數也嗟乎天下之禮有似緩而急似輕而重  
者以有闕於名教也況乎禮文之事自儒者出則於  
有功聖道之人禮宜與祀而未猶於禮者固不得置  
之而不議列之如右庶議禮君子有所採擇云藻

按子充此議欲正曾子子思祀位居其父下果爾則  
曾皆伯魚庶祀可安而啓聖配可已也嘉靖諸議禮  
者似未睹此抑子淵之配非自宋始不可降而又無  
以處顏路故為是委曲耶罷楊雄進董仲舒事在洪  
武而子充死節在前惜未之見程敏政之議嘉靖中  
多采行之苟況何休等祀今俱罷吳沈則增祀而復  
罷王通歐陽修胡瑗真德秀今已俱祀特公孫尼子  
孔穎達范仲淹魏了翁似有所待然而可祀者尚不  
止于此也

# 八年八月追封宋楊時為將樂伯從祀

先是祭酒魏鐸言楊時息邪放淫不媿南軒所稱繼  
往開來吾道南矣實行晦翁之派雖其晚節一出不  
克盡從其言而新經之闢誠足以衛吾道吳澄生長  
於淳祐貢舉於咸淳受宋之恩已如此其久為國子



司業為翰林學士歷元之官乃如彼其榮跡其所為  
曾不及洛邑之頑民何敢望肯陽之高士乞升時以  
上附宋諸賢之位斥濫以下從莽大夫之列尚書傳  
所詆之且力稱前人之請為有見不可遽易雋芳曰  
所謂前人蓋楊士奇也今天下方議其當柄用之際  
雖從祀大事猶得私庇同鄉可又襲其非耶瀚曰有  
其舉之莫敢廢也澄竟從祀仍舊至是少傅徐溥復  
言時雖由蔡京薦起然入朝首請黜安石配享廢其  
新經又乞罷綱運以收人心斥和議以張國勢竄權  
臣以正邦憲培主德以崇治本胡安國謂當時若能  
聽用決救得一半時值洛學黨禁之餘指示學者以  
大本所在體驗之功轉相授受朱子得聞其指訣則  
見於何鑄之書朱子於理一分殊之說稱其所見益  
精則見於西銘之跋則以著述見少者亦未考之過  
也又按元史至正間因杭州路照磨何瑜建言己將  
時與李侗胡安國蔡沈真德秀並加封爵列從祀以

世變不及徧行天下今蹟  
於從祀實合公論遂躋時

世宗肅皇帝嘉靖十三年釐正祀典以申黨即申梈存  
梈去黨罷公伯寮秦冉顏何荀況戴聖劉向賈逵馬  
融何休王肅王弼杜預吳澄十三人祀其林放蓮瑗  
鄭衆盧植鄭玄服虔范甯七人各祀於其鄉增后蒼  
王通歐陽修胡瑗陸九淵從祀

張璠議曰歐陽修乃有宋一代人物所著本論實有  
輔衛聖道之功蘇軾曰自漢以來道術不出於孔氏  
而亂天下者多矣五百餘年而後得韓愈學者以配  
孟氏蓋庶幾焉愈之後三百有餘年而後得歐陽子

其學推韓愈孟子以達於孔氏故天下翕然師尊之  
曰歐陽子今之韓愈也夫韓愈既已從祀歐陽修豈  
可闕哉於是進修其餘稍采張九功程鉉政之議  
王世貞議曰四科十哲孔子偶追陳蔡之厄思不及  
門之士而記者追列其名耳不然何傳道若曾子者  
而不與也宰我冉求濫竽其間朽木糞土之謂見鄙  
聖門短喪自便之私得罪名教鳴鼓之攻非徒之責  
凜乎霜鉞乃使偃然於大聖一堂之上與顏閔比肩  
宜降置兩廡必欲補十哲之缺則有若南宮适二  
子其言行蓋為純皦可從顯孫師之例進補臣又考  
得嘉靖所進歐陽修者文章士也其行誼政術亦在  
中上嘗議易繫非聖無法而驟譽之臣祇以其所著  
濮議微合新禮遽登從祀臣以為登歐陽修不如登  
范仲淹仲淹力振綱常首扶神氣又能於戎馬倥傯  
之際以中庸誨引張載俾成大儒視修何啻倍蓰  
陸九淵從行人薛侃議入其疏曰宋儒陸九淵生而

清明學術純正自孟子沒而心學晦至宋周惇頤程顥追尋其緒九淵繼之心學復明當時呂祖謙張栻輩莫不悅服今諸子皆祀而九淵獨未從祀蓋以蚤歲嘗與朱熹論說不合故其徒擠之為禪臣考九淵赴荆門時朱熹延入白鹿洞講喻義利之旨聽者流涕熹亦嘆服又為之跋以為不迷於入德之方則其非禪明矣夫禪空寂其心遺人倫棄物理九淵之學如曰惟天下之至一為能處天下之至變曰先立乎其大者曰學莫先於義利之辨則皆孔孟之旨豈空寂其心者哉曰某何嘗不理會文字但理會與人別耳曰人情事勢物理上用功曰已德明然後推其明以及天下此豈遺棄物理者哉况荆門之政可驗躬行之效則見於賢相之稱超然獨契乎本心以俟聖人百世則見於名儒之贊而宋朝議藎文安亦極尊美之辭及先儒吳澄許衡國朝名臣程敏政席書皆有撰述每稱其學之純獨臨於記誦詞章而莫自覺

者乃以躬行實踐為近禪則  
世學之誤也請以九淵從祀

# 穆宗莊皇帝隆慶五年以本朝薛瑄從祀

成化初監臣李紳始請祀瑄嗣是屢有議及不果行  
至是給事中韓楫雅遵御史馬三樂皆以為請乃躋  
瑄十二賢則親炙聖化者也漢儒則蒐輯聖經者也唐  
儒則疏注聖經者也宋儒則闡明聖經者也薛瑄生  
當聖學大明之時實能誦法孔子雖不如七十二子  
親炙孔門原其精神心術無頃刻不師孔子之教雖  
不必如漢儒蒐輯遺經實自童叟至沒齒無頃刻忘  
聖經之言雖不如唐儒宋儒疏注闡明遺經觀其讀  
書錄平易親切非身心體驗不能及蓋其造詣不及  
董仲舒而篤實似之穎悟不及韓愈歐陽修而篤行  
過之粹精淵微不及程顥而渾厚似之出處不改其

操禍患不易其節貧賤不移其介身為世師言為世訓動為世式晦而彌彰抑而彌光非真誠積累之素不能也

今上萬曆十二年以本朝王守仁陳獻章胡居仁從祀

嘉靖初行人薛侃始請獻章從祀隆慶初御史耿定向始請守仁從祀至是御史詹事講請並祀二人祭酒張位又請並祀居仁乃下廷議禮部尚書沈鯉請獨祀居仁大學士申時行等仍請並祀三人其疏曰仰惟皇上重道崇儒德音屢下今該部覆議乃請獨祀布衣胡居仁臣等切以為未盡也彼詆訾守仁獻章謂各立門戶者必離經叛聖如老佛莊列而後可守仁言致知出于大學言良知本于孟子獻章言主靜沿于宋儒周惇頤程顥皆祖述經訓羽翼聖真豈其自創一門戶耶事理浩繁茫無下手必于其中提

示切要以啓闢鎗宋儒曰仁曰敬亦各有主獨守仁  
獻章為有門戶哉其謂禪家宗旨者必外倫理遺世  
務而後可今孝友如獻章出處如獻章而謂之禪氣  
節如守仁文章如守仁功業如守仁而謂之禪可乎  
其謂無功聖門者豈必著述而後為功孔子刪述六  
經然曰予欲無言曰吾無行而不與二三子顏淵最  
稱好學然曰於吾言無所不悅曰退而省其私亦足  
以發夫聖賢於道有以身發明者比於以言發明其  
功尤大也其謂崇王則廢朱者不知道固互相發明  
並行不悖朱與陸辨盛氣相攻兩家弟子有如簪隙  
今並祀學宮朱學不以陸廢今獨以王廢乎大抵近  
世儒者褒衣博帶以為容而究其實用往往病於拘  
曲而無所建樹博物洽聞以為學而究其實得往往  
狃於見聞而無所體驗習俗之沉錮久矣今誠祀守  
仁獻章一以明真儒之有用而不安於拘曲一以明  
實學之自得而不專於見聞斯於聖化宜不有裨若

居仁之純心篤行衆議所歸亦宜併祀我國家二百餘年理學名臣先後輩出不減宋朝至于從祀乃止薛瑄一人殊為闕典請益三賢以昭熙代文運之隆是時議祀儒臣尚有陳真晟羅倫章懋黃仲昭吳與弼鄒守益王良七人廷議以祀典隆重如宋儒游酢呂大臨謝良佐羅從彥李侗胡宏之倫殆勝今儒而未能盡祀姑以俟諸他日

# 四十一年以宋儒羅從彥李侗從祀

福建提學僉事熊尚文疏請崇祀羅李侍讀學士何宗彥等博議禮部覆疏曰謹按宋儒羅從彥者少鄙言語文字之學長絕利祿仕進之心從游龜山之門有幾虛一生之嘆信道敦篤築室羅浮山中端坐行吟亢然自得學者仰之如泰山北斗又按李侗語治道先崇願恥節義明學術嚴辨儒釋正邪受業豫章



之門潛心顏子之學默坐澄心看喜怒哀樂未發氣象體認天理表章聖經先儒鄧迪稱其如水壺秋月當時著述在羅則有春秋解及指歸毛詩解中庸語孟說又遵堯錄八卷行于世在李則有延平問答要說錄此皆緒接真傳有功道統我朝稱道衍必曰孔孟必曰程朱然孔子倡道于洙泗有曾子子思相繼發明而後孟子接其傳程氏倡道于伊洛得羅豫章李延平相承衣鉢而後朱子衍其緒羅李之功與曾子子思等宜將二賢列宋儒楊時之下入廟崇祀從之藻按羅李二儒位列龜山之下似也但元晦受業於延平之門伯恭仲默亦皆後輩而位躍羅李併躡龜山分義尚乖必須更定其王陳胡三公亦似但以顯晦為序考其年次陳胡實在王前議禮者抑未深考歟

## 配享從祀位次

兩廡位次重修會典及禮樂志諸書所列參差不一此遵嘉靖祀典

四配

復聖顏子

東一位

回字子淵魯人漢元和二年配享孔廟唐總章元年  
贈太子少師開元二十七年如贈死國公元至順二  
年加充國復聖公嘉靖九年釐改今稱宋太祖御  
製贊生值衰周禮不及魯一簞藜藿陋巷環堵德冠  
四科名垂千古沒於萬邦遂封東土高宗御製贊  
德行首科顯冠學徒不遷不貳樂道以居食埃甚忠  
在陋自如宜稱賢哉豈止不愚理宗御製贊學冠  
孔門德行科首開一知十若虛實有樂道革瓢不易  
所守步趨聖人瞻若其後王旦贊賢哉子淵惟仁  
是好如愚屢空鄙幾親與用行舍藏與聖同道封崇  
丁辰益

蘇崇號

# 宗聖曾子

西一位

參字子與魯人唐總章元年追封太子少保大極元年進太子太保開元二十七年封郕伯宋祥符進瑕丘侯政和改武城侯咸淳三年進郕國公配享元至順二年加宗聖公嘉靖中改今稱宋高宗御製贊夫孝要道用訓羣生以綱百聖以通神明因子侍師答問成經事親之實代為儀刑張齊賢贊孝乎惟孝曾子稱焉唐虞比德洙泗推賢服膺授旨終身奉奉封爵師贈永耀青編明陳鳳梧贊守約而博學恕以忠聖門之傳獨得其宗一貫之首三省之功格物誠正萬世所宗

# 述聖子思子

東二位

假字子思伯魚之子宋崇寧元年追封沂水侯咸寧三年進沂國公配享元至順二年加述聖公嘉靖中

改今稱 宋理宗御製贊開居諸膺世業克昌可離  
非道孜孜立行發揮中庸體固有常入德樞要治道  
權衡

亞聖孟子

西二位

軒正義作字子與漢書作子車鄒人宋元豐六年追  
封鄒國公配享次顏子元至順二年加亞聖公嘉靖  
中改今稱 宋理宗御製贊道術分裂諸子為書既  
極而合為生真儒詆訶楊墨皇極是扶較功論德三  
聖之徒

十哲

先賢閔子

東一位

損字子喬魯人唐開元二十七年贈費侯宋大中祥符二年加封瑯琊公咸淳三年改封費國公其稱先賢某子係嘉靖中釐改後同宋高宗御製贊天經地義孝哉閔騫父母兄弟莫間其言汙君不仕志氣軒軒復我汶上出處休焉王旦贊子騫達者閔騫成性德冠四科孝先百行人無間言道亦幾聖公哀增封均乃天慶

# 先賢冉子

西一位

耕字伯牛魯人唐開元贈鄆侯宋大中祥符加封東平公咸淳改封鄆國公宋高宗御製贊德以充性行以潔身二事在躬日躋而新並驅賢科德願與鄰不幸斯疾命也莫伸王欽若贊聖門達者德行為先洙泗來學願閔差肩天封展禮公哀褒賢生則命塞沒而道宣

先賢冉子

東二位

雍字仲弓魯人唐開元贈薛侯宋大中祥符加封下  
邳公咸淳改薛國公宋高宗仰製贊懿德賢行有  
一則尊子也履之成性存存駢角有用犂牛莫論刑  
政之言惠施元元王欽若贊不佞之仁具體之賢  
登彼堂與用之山川代逢偃革  
禮畢升禋錫之三壤賁茲九泉

先賢宰子

西二位

予字子我魯人唐開元贈齊侯宋大中祥符加封臨  
淄公咸淳改齊國公宋高宗御製贊辨以飾詐言  
以致文苟弗執禮宜莫釋紛朽木真牆置不足云言  
語之科躡然有聞馮拯贊綽彼宰子服膺宣父學  
洞堂與名揚鄒魯再期設問五  
常垂矩遇我慶成增封茅土

# 先賢端木子

東三位

賜字子貢衛人唐開元贈黎侯宋大中祥符加封黎陽公咸淳改黎國公 宋高宗御製贊謙德知二器實瑚璉動必與先孰並其辨一使存魯五國有變終相其上譽處悠遠 馮拯贊賜之望回獨云知二器稱瑚璉在禮斯無服道稱師名垂萬世公爵尊崇時追肆類

# 先賢冉子

西三位

求字子有魯人唐開元贈徐侯宋大中祥符加封彭城公咸淳改封徐國公 宋高宗御製贊循良之要在於有政可使為宰千室百乘師門有材治心扶性退則進之琢磨之柄 陳堯叟贊謙謙令德少著嘉聞敏於從政洽於斯文垂鴻報本道遇明君永錫徽猷稱載揚清芬

先賢仲子

東四位

由字子路史記卅人家語一字季路唐開元贈衛侯  
宋大中祥符改河內公咸淳改衛國公宋高宗御  
製贊升堂惟先千乘惟權陵暴知非委贊可賢折獄  
言簡結纓禮全惡言不入仲尼類焉陳堯叟贊猗  
歎魯哲義勇無倚獨立不懼從政惟優欽  
屬仁聖勤封介丘褒賢進號載顯英猷

先賢言子

西四位

偃字子游吳人唐開元贈吳侯宋大中祥符加封丹  
陽公咸淳改封吳國公宋高宗御製贊道義正已  
文學擅科為宰武城耶以絃歌訓難之試牛刀謂何  
前言戲耳博約則多趙安仁贊魯堂登科觀輿將  
聖武城之小可以觀政澹臺之舉  
行不由徑追建上公素風逾盛



# 先賢卜子

東五位

商字子夏衛人唐開元贈魏侯宋大中祥符加封河東公咸淳改封魏國公宋高宗御製贊文學之名重一時為君子儒作魏侯師不可後禮始可言詩假蓋小嫌聖亦不疵趙安仁贊詩動天地起予者商溫柔立教文學升堂雅頌得所治亂依彰慶成如增其道彌芳

# 先賢顓孫子

西五位

師字子張陽城人唐開元贈陳伯宋大中祥符改封宛丘侯咸淳改陳國公躋十哲宋高宗御製贊念昔顓孫商德與鄰學以干祿間以書紳參前倚衡忠信是遵也取行違作戒後人張齊賢贊堂堂張也商德與鄰首賢客衆崇德依仁入趨幽大退而書紳升中有贈道與名新

東廡

四十一位內先賢三十三位先儒十六位

先賢澹臺子

一位

滅明字子羽武城人唐開元贈江伯宋大中祥符加封金鄉侯宋高宗御製贊惟子有道天與異容狀雖云惡德則其豐南止江沱學考雲從取士自茲勳或非公溫仲舒贊不曰徑行其真可察不私見人其公可異擊鼓旆勇銳璧且義紀跪益封旌顯賢士

先賢原字

二位

憲字子思宋人檀弓作仲憲唐追封原伯宋大中祥符加封任城侯宋高宗御製贊韓彼窮閭達士所賓邦無道微建現執倫賦衣非病無明乃貧賜雖不憚清節照人向敏中贊哉子思介然清淨官惟

固學道乃非病衣冠志漱草澤遂性升中進秩鼎芳尤盛

# 先賢南宮子

三位

迨字子容魯人史記作南宮括家語作南宮縚一作縚唐迨封邾伯宋大中祥符加襲丘侯政和改封汶陽侯宋高宗御製贊先覺既位簪履並馳尚德君子爾乃魚之升鼎可慚禹稷可師三復此道載觀白圭冠準贊南容君子尚德聖門有道不廢危行遜言白圭三復執慎思存慶成旌善作壤佳藩

# 先賢商子

四位

瞿字子木魯人唐追封蒙伯宋大中祥符加封須昌侯宋高宗御製贊易之為書彌綸天地五十乃學師則有是子能授受洗心傳世知幾其神宜被厥祀是邇贊易之為書窮理盡性瞿也親受抗心希聖

韋編原釋素風允範  
展禮封侯千載輝映

# 先賢漆雕子

五位

開家語字子若蔡人史記漆雕開字子開魯人唐追  
封滕伯宋大中祥符如封平興侯宋高宗御製贊  
仕進之道要在究習其臣而居咎欲誰執斯未能信  
謙以有立開里說之多士莫及李宗諤贊開里之  
堂邈矣難造倚賴子若實觀其與學優  
當仕非乃俊好明祀益封式稽古道

# 先賢司馬子

六位

耕字伯牛宋人家語作司馬黎耕與史記俱字子牛  
有贈向伯宋大中祥符加封楚丘侯政和改封雕陽  
侯宋高宗御製贊手足甚親志異出處豈將為亂  
子乃脫去在汚能潔危而有慮內省若斯何憂何懼

楊億贊仁遠乎哉其言也詎虛往實歸馳思  
旁訊遠難迷邦奚虞悔吝疏爵丁辰寵名以峻

## 先賢有子

七位

若史記字子若魯人家語作子有唐追封卞伯宋大  
中祥符加封平陰侯宋高宗御製贊人稟秀德氣  
貌或同而子儼然溫溫其容兩端發  
問未答幾鋒以禮節和斯言可宗

## 先賢巫馬子

八位

家語期字子期陳人史記作巫馬施字子旗鄭玄云  
魯人唐封鄆伯宋大中祥符加封東阿侯宋高宗  
御製贊天清日明密雲曷有師命持蓋子亦善叩惟  
夫子博三才元究學者之樂所得遂茂趙昌言贊  
英英子施受天和氣名登魯堂位沈周季  
猶勤戴星庇民庶治讓德進封名垂永世

先賢顏子

九位

家語辛字子柳魯人史記作顏幸唐追封蕭伯宋大中祥符加封陽穀侯宋高宗御製贊孰封於蕭實惟子柳夙猷格言克遵善誘明德斯馨賢業所就以脩於儒傳芳逾茂周起贊增封雲嶺詔驛魯堂顯允君子令儀有章英華如挹德音不忘橫亘千古淳風載揚

先賢曹子

十位

卹字子循蔡人唐贈曹伯宋大中祥符加封上蔡侯宋高宗御製贊肅肅曹伯王室之裔積習學道切砥明義惟善則王兩德是類史筆有煥今名永紀楊紳贊三千孔徒七十賢者子循服道聖門之下笙簧經籍輔翼儒雅爵為蔡侯名器匪假

# 先賢公孫子

十一位

龍史記字子石鄭云楚人並云趙人寧語作公孫寵  
衛人唐贈黃伯宋大中祥符加封枝江侯宋高宗  
御製贊黃伯著祀公孫是云彌縫中道協輔斯文藏  
修方異漸漬其勤史詞不忘播為清芬王曾贊子  
石鉅賢探微博古稟粹荆衡從師鄒魯令  
聞不已儀刑始觀展義甄封遂侯故土

# 先賢秦子

十二位

商史記字子丕家語字丕茲魯人左作不慈鄭云楚  
人一云秦人唐贈上洛伯宋大中祥符加封馮翊侯  
宋高宗御製贊孔父秦父相尚以力俱生賢嗣相  
與以德是父是子致詰疇克會弁儒林令名無極

# 先賢顏子

十三位

史記高字子驕家語作顏刻魯人唐追封琅琊伯宋  
大中祥符如封雷澤侯宋高宗御製贊瑯琊之伯  
其惟子驕微言既彰德音孔昭已觀舞雩同聽齊韶  
歷千百禩跂思高標戚綸贊魯國諸生顏氏為盛  
達者升堂是以希聖龍章載加  
侯服輝映名著遺編人師往行

# 先賢穰馬子

十四位

赤家語字子從史記作穰馬赤字子徒鄭云秦人唐  
封北微伯宋大中祥符如封上邽侯宋高宗御製  
贊式是穰伯昭乎聖徒執經請益載道若無詩書規  
矩問學楷模得時而駕領袖諸儒陳彭年贊猗歟  
穰馬信而好古趣駕咸秦樞衣鄒魯言  
必成文動不踰矩成禮介丘追榮社土

# 先賢石作子

十五位



史記蜀字子明家語作石子蜀秦人唐贈郾邑伯宋  
大中祥符加封成化侯宋高宗御製贊在昔石邑  
能知所遵懋依有德克述無言鼓篋槐市揚名里門  
此道久視彼美長存陳克贊宣尼日月無得而踰  
粵有哲士嘗為學徒登封偶聖  
至德崇儒以地進爵斯文迺殊

## 先賢公夏子

十六位

守字子乘史記作公夏首字桑鄭云魯人唐贈亢父  
伯宋大觀四年加封鉅平侯聖門人物志贊洙水  
汪濊吸者滿腹子乘參之雅言攸服學  
以適道弗離其樸庶幾斯文令終有俶

## 先賢后子

十七位

史記后處字子里齊人家語作石處字里之唐贈營  
丘伯宋大觀加封膠東侯宋高宗御製贊溫溫子

里入聞至聖攬道之華秉德之柄深造  
闡域不乖言行全齊之封竹素榮威

先賢奚容子

十八位

藏家語字子偕史記字子哲古史字哲文翁圖魯人  
正義衛人唐贈下邳伯宋大中祥符加封濟陽侯  
宋高宗御製贊雍容子哲已望堂室幼則有造成則  
祖述文彩日化儒効力弼永觀厥成德音秩秩楊  
紳贊雍容子哲服勤儒墨闕里橫經魯堂師  
德昔從游聘今逢檢勒皇賜信圭洙泗改邑

先賢顏子

十九位

史記祖字襄家語作顏相又作祖字子襄魯人唐贈  
臨邑伯宋大觀加封富陽侯聖門志贊武公崇基  
魯國益昌追跡好學熙有子襄探賸  
索隱識微知彰闕里茂才松檜蒼蒼

先賢句井子

二十位

家語句井疆字子疆闕里志字野山東志字子孟史記作句井正義作鈞井鄭云衛人唐贈其陽伯宋大觀加封濠陽侯宋杳道贊衛之君子達者比肩服勤鼓篋學慕韋編升中覃慶儒術攸先徹侯疏爵闕里之賢

先賢秦子

二十一位

祖字子南魯人鄭云秦人唐贈少梁伯宋大中祥符加封鄆城侯宋高宗御製贊秦有子南贊聖述作守道之淵成德之博範若鑄金契猶發藥歷世明祀少梁寵爵

先賢公祖子

二十二位

史記句讀字子之家語作公祖茲魯人唐贈期思伯  
宋大中祥符加封即墨侯 宋高宗御製贊惟彼子  
之錫伯期思與賢並進得聖而師彬彬雅道翼翼令  
儀一日至馬廟食不饕 梅詢贊子之生魯從師尼  
父恂恂闕里哉我章甫非聖勿言  
惟道是與千古而下俾侯齊土

# 先賢縣子

二十三位

史記縣成字子祺家語作懸成字子橫魯人唐贈鉅  
野伯宋大中祥符加封武城侯 宋高宗御製贊至  
聖立教子祺安雅擅譽魯邦啓祚鉅野輝矣風猷時  
哉用舍出倫離類後學是假 石中立贊異能之士  
孔徒實繁悅服至德祖述微言富粟  
天爵游乎聖門追崇之典昨以侯藩

# 先賢燕子

二十四位

級字子思史記作叔字思秦人唐贈漁陽伯宋大中祥符加封沂源侯宋高宗御製贊師席高振大成是集至道克傳賢達斯執善教云衰儒風可立漁陽之士得跂而及陳知微贊八九之徒俱傳大義賢哉子思道本無媿鐘靈咸鎬浴德洙泗增封沂源皇澤斯被

## 先賢顏子

二十五位

之僕家語字子叔魯人史記字叔唐贈東武伯宋大中祥符加封宛句侯宋高宗御製贊賢行顏叔親永尼父志銳所期道尊是輔泥在釣陶木就規矩終康好爵揚名東武崔遵度贊洙水悠悠子叔優優及肩等賜升堂並由元后時邁禮成介丘旌此達者爵為列侯

## 先賢樂子

二十六位

欽史記字子聲正義魯人家語作樂欣泰人唐贈昌  
平伯宋大中祥符加封建成侯宋高宗御製贊樂  
氏子聲錫爵昌平信道之篤見善乃明引  
領高節載微思誠先賢事集出為時英

先賢狄子

二十七位

黑家語字哲之一作子哲史記字哲衛人唐贈臨濟  
伯宋大中祥符加封林慮侯宋高宗御製贊仰止  
狄哲抱負淵通游泳德化揚厲素風偉識既異持教  
乃隆厥志茂馮陸祀無窮姜嶼贊矯矯子哲來學  
有臧依仁游藝攝齊升堂羽儀先  
聖物色上庠林慮錫壤百世之光

先賢子蔑子

二十八位

忠子蔑其字史記孔子兄孟皮之子家語作孔弗唐  
贈汝陽伯宋大中祥符加封鄆城侯宋高宗御製

贊惟子挺生道德之門佩服至論鯉則弟昆三得三  
亡所問殊溫君子歸安義不掩恩陳謚贊賢哉先  
生聖問夫子道贊希聖關斯行已闕里  
服膺國庠從祀載享侯封式昭德美

## 先賢公西子

二十九位

歲字子尚史記作子上魯人唐贈祝阿伯宋大中祥  
符加封徐城侯宋高宗御製贊猗爾子尚魯邦之  
望以德則賢惟道是唱師聰師明友直友諒伯於祝  
阿儒風斯暢劉筠贊魯多學者服勤遊聖祝羸惟  
肖歲也成性溫有餘裕是亦  
為政追侯於徐用均天慶

## 先賢施子

三十位

之常字子常史記字子恒魯人唐贈乘氏伯宋大中  
祥符加封臨濮侯宋高宗御製贊開國乘氏有德

斯彰參稽百行贊理三綱自挺行間策名甚光在史  
藹藹歷久彌芳王隨贊懿彼施常學深儒雅魯國  
工賢孔堂達者跡晦名彰德  
高言寡封侯是邦昭錫純嘏

先賢秦子

三十一位

非字子之魯人唐贈汧陽伯宋大中祥符加封華亭  
侯宋高宗御製贊樂善哲士伯於汧陽傳道克正  
垂名久臧執德以弘用心必剛衰廣業履式贊素王  
王隨贊七十之賢皆傳聖道彼美子之學臻堂與  
珍席圭璋儒宮黼藻  
列爵華亭令名長保

先賢申子

三十二位

振見論語鄭云即申續史記申黨字周家語申續字  
子周文翁圖作申堂後漢王政碑有羔羊之節無申



崇之欲史記以黨為黨家語以續為續皆傳寫之誤  
固知申張申黨總是一人唐贈張為魯伯又贈黨即  
陵伯宋大中祥符加封張文登侯黨又加淄川侯  
宋高宗御製贊剛毅近仁志操莫渝性非祀鮑西豈  
子都有一於此剛名可圖云懿則柔蓋生之徒張  
智贊洙泗之秀橫經魯堂名亞十哲道尊五常時巡  
駐蹕闕里增光封  
侯錫命闕

# 先賢顏子

三十三位

曾字子聲魯人唐贈朱虛伯宋大中祥符加封濟陰  
侯宋高宗御製贊褒錫朱虛在器輪輿儒室振領  
聖門曳裾賢業得蘊美才以據百世不刊載觀成書  
張象中贊回也庶幾諸賢近之洙泗受業汶上從  
師輔翊儒道經營德基  
俾侯於濟君子攸宜

先儒穀梁子

三十四位

赤字元始魯人尸子曰名飯顏師古曰名喜作春秋傳唐貞觀中從祀宋大中祥符追封襲丘伯政和改雄陽伯嘉靖中鑒改稱先儒後同宋理宗贊仲尼作經獲麟絕筆赤也發揮與義斯出立學名家道隆聖日列爵顯

封式崇儒術

先儒高堂子

三十五位

生魯郡人索隱曰字伯傳儀禮十七篇后蒼戴慶等明其業唐貞觀從祀宋大中祥符追封萊蕪伯宋周起贊泰厯告窮災靈啓祚篤生令人允貞王度名教斯宗禮文有素勒封告成或昭餘裕

先儒毛子

三十六位

萇趙人漢河間獻王博士大毛公享之子受詩號小  
毛公著毛詩故訓二十卷詩傳十卷馬融賈逵鄭康  
成皆宗之孔穎達為之傳唐貞觀從祀宋大中祥符  
追封樂壽伯宋王曾贊孔徒受業商也言詩研情  
詁訓誰其嗣之毛公興學永  
代師資疏封錫命禮治禎期

## 先儒后子

三十七位

蒼宇近君東海剡人漢宣帝博士從孟卿受禮說禮  
數萬言號后氏曲臺記授聞人通漢慶普戴聖又事  
夏侯始昌通齊詩著齊詩故訓二十卷詩傳三十九  
卷授翼奉匡衡蕭望之傳師丹伏理嘉靖九年從祀  
聖門志贊東海通儒孟氏高弟淹中古文獨詮  
其秘三家傳業曲臺揚厲禮教珍崇裒然博士

## 先儒杜子

三十八位

子春東漢河南人受周禮於劉歆傳鄭衆賈逵又明  
連山歸藏易唐貞觀從祀宋大中祥符加封緱氏伯  
宋查道贊三川二室英靈所鍾學窮周制譽藹經  
宗杏壇闕里差可比蹤一命作伯慶我天封聖門  
志贊河間獻書周官飛青緋氏受之埒于六  
經寧窮周制譽藹漢廷九十尚存鴈行伏生

先儒韓子

三十九位

愈字退之唐修武人諫憲宗迎佛骨所著有原道原  
性師說諸篇及文集四十卷終吏部侍郎贈禮部尚  
書謚文宋元豐七年從祀追封昌黎伯聖門志贊  
倡始斯文不膠於物馳驚揚馬并包莊屈富澤孔周  
軼排老釋因文  
見道斗山蔚蔚

先儒程子

四十位

顓字伯淳河南洛陽人宋宗正丞其學得之周惇頤傳楊時諸子所著有定性書語錄學者稱明道先生嘉定龜純淳祐追封河南伯從祀元至順加封豫國公宋朱熹贊揚休山立玉質金聲元氣之會渾然天成瑞日祥雲和風甘雨龍德正中厥施斯普

# 先儒邵子

四十一位

雍字堯夫其先范陽人徙河南受學李之才定易卦圖象著皇極經世觀物內外編漁樵問對擊壤集舉逸逸不出贈秘書省著作郎元祐中賜謚康節咸淳從祀追封新安伯宋朱熹贊天挺人豪英邁蓋世駕風鞭霆歷覽無際手探月窟足躡天根閑中今古靜裏乾坤

# 先儒司馬子

四十二位

光字君實陝州夏縣人宋端明殿大學士左射僕奉  
詔編資治通鑑三百二十四卷所著有文集八十卷  
及稽古錄歷年圖考異通歷易說繫辭又有古文孝  
經注老子道德論注太玄經注大學中庸義揚子注  
文中子傳河外諸目書儀家範讀詩話醫問諸書封  
溫國公謚文正咸淳從祀宋朱熹贊篤學力行清  
修苦節有德有言有功有烈紳衣大  
帶張拱徐趨遺像凜然可肅薄夫

# 先儒胡子

四十三位

安國字康侯崇安人宋寶文直學士著春秋傳三十  
卷文集十五卷資治通鑑舉要補遺百卷學者稱武  
夷先生謚文定正統元年從祀成化二年追封建寧  
伯聖門志贊道傳伊洛志奮春秋綱常羽翼名利  
蜉蝣左氏同源公穀共  
派並列學宮多士薪樞

# 先儒楊子

四十四位

時字中立將樂人二程門人宋工部侍郎兼侍讀謚文靖學於二程世稱龜山先生胡宏羅從彥皆其門人所著有三經義解及龜山集行世弘治八年追封將樂伯從祀聖門志贊英姿爽曠雅志耽踈坐春且酣立雪彌愜憂國詩謨繕性實學吾道南矣龜山岳岳

# 先儒李子

四十五位

侗字愿中劍浦人學於羅從彥隱居不仕朱熹受其業為述延平問答及要說行世學者稱延平先生謚文靖元至正議從祀成化中以配享延平楊時祠萬歷四十二年從祀李之藻贊學契聖宗靜觀未發有真槩柄為世先覺充養自然若有成法秋月冰壺性天灑落

先儒張子

四十六位

棧字敬夫，蘇竹人。宋秘閣修撰，知江陵府。學於胡宏，所著有論語說書詩孟子解太極圖說經世編年諸書。學者稱南軒先生。嘉泰謚宣景定二年，從祀追封華陽伯。聖門志贊秉靈自天，式穀於父，學嚴義利，才包文武，任道匡世，據忠酬主，玉壘錦江，其公不朽。

先儒陸子

四十七位

九淵字子靜，金谿人。宋知荊州軍，其學主於尊德性，別理欲，明王伯有易提綱諸經雜說及語錄行世。學者稱象山先生。嘉定謚文安，門人之最著者楊簡、袁燮、舒璘、沈煥、嘉靖九年，從祀。宋包楊贊辭、芟蝕真會當一正刻，百家偽藥，千古病發人本心，全人性命，一洗老佛的傳，鄙益。



# 先儒許子

四十八位

衡字仲平元河內人從姚樞寶鼎聞程朱之學仕元中書右丞贈司徒謚文正封魏國公學者稱魯齋先生皇慶二年從祀宋濂贊瀛洛之學傳自武夷重輝疊照日星昭垂逮我許公尊開行知若親樞衣寒泉之廉張皇幽渺釐析毫絲如阜陶淑問畢其情辭如后羿注矢不失其馳既入閭域遂升堂堂基橫經胄監於佩鐙如祛其人私歸其天彝釋其偏岐挽其九衢德茂材建昭用於時黼黻帝治甄陶泰熙明體適用公實庶幾無德弗報四海祝尸嗚呼許公百世之師

# 先儒胡子

四十九位

居仁字叔心餘干人國朝布衣受學吳與弼世稱敬齋先生所著有居業錄敬齋集萬厯十二年從祀補

謚大猷 聖門志贊其異叔心絕俗高蹈學則為已  
治則王道涵之洋洋從吾所好青青子衿是則是效

右東廡前朝之祀凡五十三位共十三壇今四十九  
位分十六壇舊有顏何荀況劉向王肅杜預今黜其  
鄭衆盧植服虔改祀於鄉曾點孔鯉改入啓聖祠從  
祀凡損十人增杜子春胡安國楊時李侗陸九淵胡  
居仁六人

西廡

四十八位內先賢二  
十九位先儒十九位

先賢安子

一位

不齊字子賤魯人唐贈單父伯宋大中祥符二年進  
侯 宋高宗御製贊君子若人單父之政引肘膳君  
放魚烹令傳郭勿獲遂能制命百代理邑用規觀政  
溫仲舒贊天生良材為魯君子堂上琴作邑中民  
治 伍人致逸受教成美  
展禮崇賢 顯封有煒

## 先賢公冶子

二位

長字子長史記齊人索隱曰家語云魯人名長范甯  
云字子芝唐開元追封莒伯宋大中祥符加封高密  
侯 宋高宗御製贊子長宏度高出倫輩雖在縲絏  
知非其罪純德備行夫子所采以子妻之尤知英  
向 敏中贊德行貞純公治孰倫本非其罪枉拘  
厥身魯堂惟善孔門配姻俾侯之貴久而彌新

## 先賢公析子

三位

哀字季沉齊人史記作公哲哀字季次索隱云一作  
公析克唐追封邵伯宋大中祥符加封北海侯宋  
高宗御製贊周襄偽隆政在羣公庶恥道微家臣聿  
崇不為屈節撝默自容子於是時凜然清風冠準  
贊賢哉季次履潔居貞卷懷不仕家臣自輕  
素王攸歎式昭令名封爵均慶侯社疏榮

先賢高子

四位

柴字子羔史記衛人家語齊人高氏別族唐追封共  
伯宋大中祥符加封共城侯宋高宗御製贊婉彼  
子羔受業先聖宗廟之間一出乎正克篤於孝非愚  
乃令師知其生有輝賢行晁迥贊倚歟子羔孝心  
篤矣慎終街恤未嘗見齒難能而  
能君子知已考古褒崇於斯為美

先賢樊子

五位

須字子遲家語魯人鄭云齊人唐追封樊伯宋大中祥符如封益都侯宋高宗御製贊養才以道聖人兼濟始謂非仁問辨良喜寓志農圃以睽仁義學稼之辭豈姑舍是楊億贊學優乃仕齒于家陪戎車為右誓衆靡回質疑辨問仁智既該建侯追崇垂裕方來

## 先賢公西子

六位

赤字子華魯人唐追封郕伯宋大中祥符加封鉅野侯宋高宗御製贊學者行道敬溫亦稱使齊光華偶為肥輕周急之言君子所令荅問允嚴理著先經王嗣崇贊翊聖賢者徂徠之英謙言小相終成大名立朝儒雅出使光榮佐佑禮法諸侯作程

## 先賢梁子

七位

鱣史記注云一作鯉字叔魚家語齊人唐追封梁伯  
宋大中祥符加封千乘侯宋高宗御製贊室家壯  
年無子則逐見於信史全齊之俗原本厥初師言可  
復以學則知揆之宜薦周起贊玄聖舊邦森然精  
爽於惟子魚式瞻遺像紀號傳鑒  
侯封錫壤儒道有光百王所仰

先賢冉子

八位

孺史記字子魯一作曾家語作冉儒魯人字子魚唐  
追封紀伯宋大中祥符加封臨沂侯宋高宗御製  
贊紀伯子魯聖學是務勵已斯約好問乃裕周旋中  
規容止可度允矣昔賢後世所慕李維贊聖人之  
道一以貫之允矣子魯堂與斯窺惟帝  
登岱克陳上儀追封侯社沂水之湄

先賢伯子

九位

虔家語字楷一作子析史記字子折魯人唐追封耶  
伯宋大中祥符加封洙陽侯宋高宗御製贊有懷  
子折全魯之彥儒行既名聊伯乃建兢兢受道奕奕  
我弁懿選嘉封世享馨薦王曾贊肅肅魯堂旣旣  
闕里伯氏達者克肖夫子運偶慶  
成禮崇追美後學式瞻高山仰止

# 先賢冉子

十位

季字子產魯人唐追封東平伯宋大中祥符加封諸  
城侯宋高宗御製贊東平子產姓著盛時奉師於  
塾講道之微答問甚敏淵妙以思升降陞廉尚想英  
姿李維贊冉子挺生鍾是純粹游聖之門切磋磨道  
義時邁升中禮成肆類  
錫壤諸城式昭遺懿

# 先賢漆雕子

十一位

史記咎字子歛鄭云魯人家語作漆雕侈唐追封武城伯宋大中祥符加封濮陽侯宋高宗御製贊子欽受封爰居武城壘壘其閒翩翩其英樞衣時習願學日明誕數孔教爵里疏崇威綸贊闕里稱賢哆也其一學以適道名參入室昔為達者今逢聖日俾侯濮陽膺茲寵秩

先賢漆雕子

十二位

史記徒父家語作漆雕從字子文高宗贊作子期魯人唐追封須句伯宋大中祥符加封高苑侯宋高宗御製贊遐思子期扶策聖帷沙道是嗜微爵可庶在德可賢在名乃垂洋洋之風逮今四馳陳彭年贊受教聖人服勤墳籍如彼時街故能日益元封慶成介圭近錫圖形繪素鏤美金石

先賢商子

十三位



澤家語作字子秀史記作子季魯人唐追封睢陽伯  
宋大中祥符加封鄒平侯 宋高宗御製贊邈矣子  
季睢陽是伯屏息受業延教登席未踐四科固涉六  
籍祀典載之好是正直 刁衍贊子季從師服膺儒  
雅闕里垂名同於達者昔寵睢陽  
今旌鄒野運偶登封薦臻純嘏

# 先賢任子

十四位

不齊家語字子選史記字選楚人唐追封任城伯宋  
大中祥符加封當陽侯 宋高宗御製贊任城建伯  
其表曰選汝問雅馳才華清遠競仁力行愛日黽勉  
孔教崇崇令緒顯顯 陳亢贊荆山誕粹賢生其中  
服膺數仞誠明感通地迺長坂  
爵如素風虔遵祀典列在儒宮

# 先賢公良子

十五位

儒字子正史記作孺張智贊稱子幼陳人唐追封東  
牟伯宋大觀加封牟平侯宋張智贊子幼真賢從  
師尼父服膺大猷希跡好古詩書舊  
畬仁義干櫓匡蒲之從展也孔武

## 先賢公肩子

十六位

家語公肩定字子仲史記作公堅定字子中文翁圖  
亦作子中鄭云魯人或曰晉人唐追封新田伯宋大  
觀加封梁父侯聖門志贊及門受業率稱異能子  
中樂道左準右繩賜牆可跂由堂同升致志景迹外

弼

彪中

## 先賢鄒子

十七位

史記鄒單字子家徐廣曰一云鄒單唐追封銅鞮伯  
宋大觀加封聊城侯按史記有鄒單無懸置家語有

懸竄無鄒單疑即一人以姓名相近而誤也其字則  
史記曰子家語曰子象字亦相類何孟春以為宜  
補贈懸竄爵號別諸從祀張朝瑞以為宜從家語祀  
懸竄而罷鄒單存其說以俟考竄一作豐聖門志  
贊子家學孔容與不忒思以誠凝行將道翼  
涉彼玄津馳於聖域連哉偉器惟陶斯埴

## 先賢罕父子

十八位

史記罕父黑字子索家語作宰父黑字索一字子黑  
魯人唐追封乘丘伯宋大觀加封祈鄉侯按氏族  
畧無罕父氏止有宰父氏其注云孔子弟子有宰父  
黑則宜從家語稱宰父子聖門志贊懿彼名曹因  
官為姓敬以東行銳然希聖四教不  
審六藝惟競庶幾達者有道就正

## 先賢榮子

十九位

## 欽定四庫全書

史記薛字子祺家語作祈魯人唐追封雋妻伯宋大中祥符加封厭次侯宋高宗御製贊伯茲雋妻務學實著三千之徒七十是預匪善莫行惟德乃據紀於前書式彰厥譽梅詢贊聖人之門學者僉僉彼美子祺行修志淳異端茲害微言服勤格於我家侯封是新

## 先賢左人子

二十位

史記左人郢字行家語作左郢字子行魯人唐追封臨淄伯宋大中祥符加封南華侯宋高宗御製贊伯彼臨淄左行稱賢踰蹤十哲秀穎三千心悅誠服家至戶傳樂只君子文聲益宣

## 先賢鄭子

二十一位

史記鄭國字子徒正義曰家語薛邦字徒史記避高祖諱薛字與鄭字誤也然則當稱先賢薛子矣今未

敢擅改也魯人唐追封榮陽伯宋大中祥符加封胸  
山侯 宋高宗御製贊伯夫榮陽實惟令德優入聖  
門道不留跡道以目傳妙則心識衍興偉興後代之  
則 陳知微贊懿彼子徒挺生闕里日遊聖門躬授  
微告德音孔昭令聞不  
已踵爵胸山式旌遺美

## 先賢原子

二十二位

亢字子抗見闕里志家語作原桃字子籍文翁圖字  
籍史記作原亢籍正義亢作兄魯人唐追封萊蕪伯  
宋大中祥符加封樂平侯 聖門志贊不學將落聞  
道貴早斯人穎異動輒有造身遊馨渚志契閭奧名  
誰與偕洋  
洋聖道

## 先賢廉子

二十三位

繫史記字庸家語字子庸一作子曹鄭云衛人唐追封莒父伯宋大觀加封胙城侯宋高宗御製贊兄弟之邦士有廬庸涵泳素教表揭儒宗杏壇探賾洙泗從容作興一時莒父其封

# 先賢叔仲子

二十四位

會字子期文翁圖作噲家語魯人鄭云晉人唐追封瑕丘伯宋大中祥符加封博平侯宋高宗御製贊瑕丘作邑子期是為親訓有日廣業於時四教允隆五常以持比肩傑俊開望斯垂劉錯贊斯文有宗吾道不窮執筆迭侍惟賢比崇少成習慣函大順風東巡駐蹕需澤儒官

# 先賢邾子

二十五位

史記邾異字子欽家語作邾邾文翁圖作國邾蓋亦避漢諱當稱曰先賢邾子然未敢擅改也魯人唐追

封平陸伯宋大中祥符加封高唐侯宋高宗御製  
贊彼美邳子先聖是承璫仍已及堂陸將升良玉斯  
琢寒水必冰錫壤平陸茂實騫騰陳謚贊展矣子  
欽孔門高弟模範將聖博約六藝斯謂達者顯於當  
世追封列侯  
流芳永喬

### 先賢公西子

二十六位

公西與字子上魯人家語及子由古史皆同史記作  
公西與如唐追封重丘伯宋大觀加封臨朐侯宋  
范睢贊鍾美齊疆從師魯國展矣斯人道臻聖  
域禮墨金繩慶敷文德薦享侯封永光廟食

### 先賢陳子

二十七位

亢字子亢一字子禽陳人唐追封賴伯宋大中祥符  
加封南頓侯宋高宗御製贊惟禽之間從容其鯉

求以異聞詩禮云爾請一得三誠退而喜且知將聖  
不私其子趙昌言贊於美子禽伏膺尼父問一得  
三垂訓千古名由實實德以  
位序運屬封爵封介土

## 先賢琴子

二十八位

牢家語字子開一字張文翁圖一字子張衛人唐追  
封南陵伯宋大中祥符進封頓丘侯政和改封陽平  
侯宋高宗御製贊多能鄙事聖人曲意惟其知之  
是以不試宗魯雖友弔必以義尚師嘉言祀亦罔替  
宋綬贊反魯之始從師去里不仕故執善言  
依紀非義罷弔崇仁為美銘獄益封用旌君子

## 先賢步叔子

二十九位

乘字子車齊人唐追封淳于伯宋大中祥符加封博  
昌侯宋高宗御製贊勉勉子車封邑淳于親炙避



席唯諾趨隅發微既博雅道是扶抑可尚也不亦美乎  
張象中贊聖人之門子車服勤學以時習道宜  
日新數仞爰處函丈是  
親追封遺烈旌美儒臣

## 先儒左丘子

三十位

明魯人傳春秋杜預以為受經於仲尼唐貞觀從祀  
宋大中祥符贈瑕丘伯政和改中都伯嘉靖中蘆改  
稱先儒後同宋理宗御製贊荷殿左氏聞道素王  
依經作傳微旨用彰詞有餘韻人希末光慶封錫壤  
之廣魯疆

## 先儒公羊子

三十一位

高齊人傳春秋或云子夏門人唐貞觀從祀宋大中  
祥符追封臨淄伯宋是迴贊高也解經辨惑咸服

學宮所傳齊名左穀追獎肇封  
衆心允屬闕典彌縫斯文載郁

# 先儒伏子

三十二位

勝字子賤鄒平人正義云即子賤之後為秦博士壁  
藏尚書至漢初傳羅錯後有大小夏侯之學唐貞觀  
從祀宋大中祥符追封乘氏伯宋楊億贊伏生明  
經為秦博士祖習微言流離耋齒壁藏其大口授厥  
音建號旌儒  
錫爵仁里

# 先儒子國子

三十三位

安國字子國孔子十一世孫漢臨淮太守傳尚書古  
文授都尉朝又訓古文論語作孝經傳及集孔子家  
語唐貞觀從祀宋大中祥符追封曲阜伯宋錢惟  
演贊顯顯臨淮聖人之系訓傳遺大克示永世繪像

廟庭聿章善繼東  
巡受封是為褒異

# 先儒董子

三十四位

仲舒廣川人漢江都膠西王相其學推明孔氏抑黜  
百家所著有春秋繁露數十篇天人三策及上疏條  
教百二十三篇元至順元年從祀後廢洪武二十九  
年封江都伯從祀成化二年改封廣川伯聖門志  
贊嬴秦灰燼炎精始然奮業下帷志不窺園  
天人方對江都遂遷一代醇儒世濟其賢

# 先儒王子

三十五位

通字仲淹龍門人隋文帝仁壽中遊長安奏太平策  
不用隱居河汾紫微不就著禮論樂論各十卷續書  
二十五卷續詩贊易各十卷元經十五卷中說十卷  
門人私謚曰文中子嘉靖九年從祀聖門志贊稟

靈博達潛心典墳策工太平教洽河汾憂  
歷皇綱羽異斯文房魏繩之有光龍門

# 先儒周子

三十六位

惇頤字茂叔道州營道人宋虞部郎中廣南東路提  
點刑獄著太極圖通書二程受其學學者稱濂溪先  
生嘉定謚元淳祐封汝南伯從祀元至順加封道國  
公宋朱熹贊道喪千載聖遠言湮不有先覺孰開  
我人書不盡言圖不盡  
意風月無邊庭草交翠

# 先儒歐陽子

三十七位

修字永叔廬陵人宋叅知政事太子少師贈光國公  
謚文忠所著有易童子問二卷詩本義十二卷唐本  
紀表志七十五卷五代史七十四卷及文集雜著行  
世嘉靖九年從祀聖門志贊畫荻受學黜浮崇雅

道契孟韓文追班馬朋黨有辨  
史筆立假龍圖元老命世長者

# 先儒張子

三十八位

載字子厚邵人宋同知太常禮院著東西銘正蒙學  
者稱橫渠先生嘉定識明淳祐封邵伯從祀宋朱  
熹贊蚤脫孫吳晚述佛老勇撤臯比一變至  
道精思力踐妙契疾書訂頑之訓示我廣居

# 先儒程子

三十九位

頤字正叔頤弟宋崇政殿說書著易傳春秋傳學者  
稱伊川先生其門人著者有謝良佐游酢呂大臨大  
鈞尹焞楊時嘉定識正淳祐追封伊陽伯從祀元至  
順二年加封洛國公宋朱熹贊規圓矩方繩直準  
平允矣君子展也大成布帛之  
文菽粟之味知德者希孰識其貴

先儒胡子

四十位

璦字翼之泰州海陵人宋太常博士天章閣侍讀謚文昭蘇湖學規為世所稱其遺書有胡氏口義學者稱安定先生嘉靖九年從祀宋范仲淹贊天地儲精山川毓秀孔孟衣鉢蘇湖領袖道學正傳體用善誘雅飭化風澤流于後

先儒朱子

四十一位

熹字元晦婺源人學於李侗習諸儒大成所著有易本義啓蒙著卦考誤詩集傳論孟集註學庸章句或問太極圖通書西銘解楚辭集註辨證韓文考異所編次有論孟集議孟子指要中庸輯畧孝經刊誤通鑑綱目名臣言行錄家禮小學近思錄程氏遺書伊洛淵源儀禮通解其門人著者黃幹李燾劉燾張洽

陳淳李方子黃顓輔廣蔡沈仕宋煥章閣待制嘉定  
謚文贈寶文直學寶慶贈太師信國公紹定改徽國  
淳祐從祀元至正改封齊國公元吳澄贊義理玄  
微蒲絲牛毛心胸開豁海濶天高豪傑之才聖賢之  
學景星慶雲  
泰山喬嶽

## 先儒呂子

四十二位

祖謙字伯恭婺州人宋南渡倡道東南所著有春秋  
博議讀詩紀易說書說閑範官箴辨志錄大事記宋  
朝文鑑世稱東萊先生仕終著作郎嘉泰謚成嘉熙  
改謚忠亮景定二年追封開封伯從祀聖門志贊  
敏才耿質博學宏詞秘獵千古餘屯四時  
朱張則友關洛我師中原文獻東浙蔡著

## 先儒蔡子

四十三位

沈宇仲熙建陽人元定次子學於晦庵隱居不仕所著有書傳及洪範皇極內篇世稱九峰先生正統元年從祀成化三年追封崇安伯謚文正聖門志贊近述父師遠崇聖賢洪範衍數洛誥著篇探賾索隱發微鉤玄帝典王謨匪公誰詮

先儒羅子

四十四位

依部大置此別有考定

從彥字仲素南劍州人受學於楊時仕博羅主簿所著有遵堯錄春秋解及指明毛詩解中庸語孟說學耆稱豫章先生淳熙七年謚文質萬厯四十二年從祀李之藻贊聞道汗浹不虛此生任重詣極潛思力行羅浮高隱山斗並欽遵堯有錄周孔之心

先儒真子

四十五位



德秀字景元更字希元浦城人宋叅知政事謚文忠  
其學宗朱子所著有大學衍義讀書記文章正宗唐  
書考疑心政二經西山甲乙稿對越甲乙集經筵講  
義端平廟議獻忠集江東救荒錄清源雜志星沙集  
志學者稱西山先生正統元年從祀成化三年追封  
浦城伯聖門志贊王立長身鐘呂大器翫詞翰  
沉潛仁義黨錮既開善景  
復熾斯大正宗十秋赤幟

# 先儒薛子

四十六位

瑄字德溫河津人國朝禮部侍郎燕閣學謚文清所  
著有讀書錄河汾集學者稱敬軒先生隆慶五年從  
祀楊廬贊本朝理學實始於公求之于宋若濂溪  
翁誰得其傳欲考無從復性之教最為有功孔孟程  
朱平生所宗讀書有錄無理  
不窮大露天機豁我顓蒙

先儒王子

四十七位

守仁字伯安餘姚人兵部尚書新建伯贈侯謚文成  
學以致良知為宗所著有傳習錄及文成全集學者  
稱陽明先生萬曆十二年從祀聖門志贊蠖屈龍  
蟄獄究性術一脈良知千載先覺武戡藻茂學懺虔  
吉傳習有訓  
斯文鼓率

先儒陳子

四十八位

獻章字公甫新會人聘授翰林檢討不能學者稱白  
沙先生所著有白沙集萬曆十二年從祀楊廡贊  
有評象山吾嘗竊識儒以為禪佛謂無是公學所期  
自得為至箋經著書非其所事平生議論詩以見意  
此即語錄無所隱私  
堯夫法門懷卷適世

右西廡前朝之祀凡五十三位共十三壇今四十八位分十六壇舊有公伯寮秦冉戴聖賈逵馬融何休王弼今俱黜而蘧瑗林放鄭玄范甯及宣德間增祀之吳澄俱改祀於鄉顏無繇改入啓聖祠配享又去申黨共損十四人益董仲舒歐陽修胡瑗羅從彥呂祖謙真德秀薛瑄王守仁陳獻章九人

家語衛將軍文子問於子貢曰吾聞孔子之施教也先之以詩書導之以孝弟說之以仁義觀之以禮樂

然後成之以文德升堂入室者七十餘人其孰為賢  
子貢曰夫能夙興夜寐諷誦崇禮行不貳過稱言不  
苟是顏回之行也在貧如客使其臣如借不遷怒不  
深怨不錄舊罪是冉雍之行也不畏強禦不侮於寡  
其言循性材任治戎是仲由之行也恭老卹幼不忘  
賓旅好學博藝省物而勤是冉求之行也齊莊而能  
肅志通而好禮擯相兩君之事篤而有節是公西赤  
之行也滿而不盈實而若虛過之如不及其德敷其

於人無所不信其驕人也常以浩浩是曾參之行也  
美功不伐貴位不喜不侮不佚不傲無告是顓孫師  
之行也送迎必敬上交下接若截焉是卜商之行也  
貴之不喜賤之不怒苟利於民矣廉於行已是澹臺  
滅明之行也先成其慮及事而用之故動則不忘是  
言偃之行也獨居思仁公言仁義其於詩也一日三  
復白圭是南宮縚之行也自見孔子出入於戶未嘗  
越履往來過之足不履影啓蟄不殺方長不折執親

之喪泣血三年未嘗見齒是高柴之行也又史記令尹子西謂楚昭王曰王之使使諸侯有如子貢者乎輔相有如顏回者乎將率有如子路者乎官尹有如宰予者乎其他評騭大氏載在論語而其顯有年名事跡者自遷史所紀三十五人而外亦不多見緣夫尼山誕聖英哲颺從化雨春風鼓鑄自異諸皆出為國華潛為士楷宮牆俎豆有其舉之庸可得而廢乎又考孔叢子載孔子四友顏回胥附端木賜奔走顯

孫師先後仲由禦侮尸子云仲尼志意不立子路侍  
儀服不修公西華侍禮不習子貢侍辭不辨宰我侍  
忘忽古今顏回侍節小物冉伯牛侍則皆功資聖學  
所謂七十子鑄孔子者殆非虛語而諸賢其尤為表  
表者所以十哲之祀視之兩廡稍存差別然而宰我  
冉有與夫補入子張之祀世猶得而議焉南宋咸淳  
升躋顏子議者欲晉有若以補十哲祭酒某獨持異  
議遂躋子張夫孔子歿子夏子游子張欲事有若茲

令張也升堂而迴視所欲北面之有若乃在廡下於義或不安乎蔡氏清亦云然且謂晉子張抑有若崇冉求未服萬世士人之心而鄭氏曉王氏世貞亦不滿於求我堂上之祀鄭謂宜晉有若及公西赤王謂宜晉有若及南宮适其言各有所據雖然十哲亦何為者是乃陳蔡共難一時之目非聖門定評也聖門定評則家語子貢之論殆庶幾焉而開元君臣初不深考第祀所謂十哲旋附曾子位於十哲之次以與



二十一賢並祀其餘弟子有繪無祀五代因之迨宋  
通祀諸賢於兩廡而十哲名目似可毋設乃復因仍  
舊貫堂廡區分晉哲於配晉廡於哲欲取盈於十人  
之數夫唐增曾子既已溢為十一宋躋顏子何妨額  
儉九人要之據禮參詳哲廡不須強別並是千古師  
儒欽崇秩祀而後學更評優劣榮辱施之神其歆此  
否乎惟是弟子闕遺有可議者左傳昭公七年孟僖  
子屬說與何忌於夫子而學禮焉故孟懿子與南宮

敬叔師事仲尼則何忌固弟子也論語注孺悲嘗學士喪禮於孔子是悲亦弟子無疑而家語懸亶張氏朝瑞謂即史記之鄒單一字子家一字子象字亦相類宜從家語祀亶而去單理或宜然秦冉顏何以不見於家語故裁然顏裔之推真卿俱稱孔門顏氏有八若去顏何則繇回刻辛曾僕祖僅得七人不滿八人之數又史記載顏何字冉索隱注引家語字稱此則家語原有顏何不當黜祀明也其秦冉顏何疑為

字畫相訛亦屬臆度不可為據至於公孫尼子作樂  
記緇衣篇業已吐辭為經而廡祀未暨是不謂闕  
典乎哉又鄉飲禮又序黜公罔之裘與子路比肩揚  
觶或亦弟子之列併論語所載孟武伯林放孟子所  
述牧皮似皆及門之士而歷代封祀率未詳及其近  
世儒先屢議未決者在唐有孔穎達宋有范仲淹游  
酢謝良佐呂大臨胡宏魏了翁楊簡元有劉因金履  
祥國朝有陳真晟章懋羅倫曹端吳與弼羅洪先鄒

守益湛若水王艮大都尚需論定茲不具述又有謂  
諸葛亮文天祥亦堪從祀者夫文山成仁取義不愧  
孔孟武侯澹泊寧靜學術無疵但於承先啓後之功  
未知何若而武侯輔蜀戎馬劬勩其於儒術表章曾  
不若黃初一詔猶知從祀以此而觀侑祀孔庭恐其  
心尚有所未安也

考定兩廡位次疏

藻按四配十哲兩廡其祀分為三則似以道德為之甲

乙夫十哲之必賢於兩廡也非末學所敢深論矣至於同在兩廡考其次序固宜德同論世世同論齒然而亦不盡然史記所載有子少孔子十三歲蓋自顏路而下年似最長乃在東第七位居其上者尚有十二人公孫子石少孔子五十三歲年似最少乃在東第十一位居其下者尚有四十人此猶云史有年歲者僅三十五人其餘不可得而考也澹臺子羽東第一位少孔子三十九歲宓子賤西第一位少孔子四十九歲其年皆少次

東二位原思西二位公治長東三位南宮子縚西三位  
公皙哀史不載年姑置弗論至東四位商子木則少孔  
子二十九歲西四位高子羔則少孔子三十歲其年固  
皆長於第一人也而倒置乃爾此類甚多是又未盡論  
齒不審位次終奚據也如以為據家語七十二子之序  
則家語首子羽次子羔子賤樊遲有子子華原思如以  
為遵闕里志則其志首子羽次子賤南宮公治原思公  
皙如以為循史記則自子羽至子開同者不過九人此

後亦復更置且史記所載自子石以右三十五人顯有  
年名聞見於書傳者為一列自冉子產以後不見書傳  
者四十二人又為一列固未可據其先後即以定諸賢  
之位次如謂稍以德業差序則尚論二千年以上載籍  
湮滅嘉言懿行大率無徵意自開元從祀之初原未加  
意考定亦不依據何書漫入祠令遂爾歷代相沿今則  
載之令典又經嘉靖重頒為下不倍聞貴闕疑惟有肅  
遵裸將誰敢意為更正但以兩廡會同校其朝代先後

之緊則其序置舛錯終亦有不妥於心者如公羊乃周  
末齊人而居西三十一則躡東三十二之申振伏勝秦  
人而居西三十二則躡東三十三之顏噲孔安國仕於  
漢武而在周末穀梁之前董仲舒亦仕武帝而在漢初  
高堂生之上文中子隋人也而躡毛萇周茂叔歐陽永  
叔皆宋儒也而周躡后蒼歐躡杜子春是西漢降於隋  
宋矣橫渠又躡韓昌黎是唐降於宋矣永叔為安定作  
墓表稱為先生而越居其上者六位康侯生於熙寧距



安定之卒十五年而禮樂志改定位次安定之主反下  
康侯七位又永叔乃濂溪前輩而濂溪之位會典先歐  
二位禮樂志先歐十一位君實亦二程前輩而會典乃  
反遜程四位又伊川之越明道則以弟先兄元晦之越  
司馬則以南宋先汴宋薛敬軒生於洪武而越宋寧時  
之陸子靜陽明生當嘉靖而越勝國之許平仲近年躋  
祀羅仲素李愿中部議位次亦不深考漫云列楊時下  
頗使朱元晦呂伯恭蔡仲默皆以後學躋踞其上而朱

則親受業於李者也其他稍稍倒置尚不具論令諸先生  
生在廟之靈幸或陟降而生則服膺其訓歿乃僭躐其  
祀能晏然於此否耶大都議祀典者初既鮮所考訂後  
皆習於因循凡有移祀改祀革祀增祀第以原列東西  
兩廡為定東則躋東西則躋西曾不考世論年東西遞  
互升祔故東廡二十八位之顏何點即以其次狄黑居  
之不復移西二十八位之叔仲會以補其位西廡第六  
位之公伯寮點即以其次樊遲居之不復移東七位之

司馬牛以補其位東廡之移祀改祀革祀者僅曾哲顏  
何荀況劉向鄭衆盧植服虔王肅杜預九人而西廡則  
顏路蘧伯玉林放秦冉申黨公伯寮戴聖賈逵馬融鄭  
玄何休王弼范甯吳澄凡十四人多寡之數既懸東西  
之列一定循次魚貫即古今世代之凌躐亦不復計蓋  
泥於殷周宗廟之制昭常為昭穆常為穆不以南北遞  
遷以為禮煩則亂遵古為簡不知諸儒從祀率皆隔世  
寥遠初無祖孫父子之親寧拘昭穆即以昭穆論明道

伊川兄弟亦何不同昭同穆而東西相望又復長幼易序吾不知於古禮有合否也古禮先聖東嚮先師一位配之南嚮三獻官皆西嚮開元王祀孔子始改其位南嚮而以顏子西嚮獻官序立東廡前行禮至宋漸增孟子及曾子子思為四配然而四配亦皆東坐西向也朱子滄洲精舍釋奠儀亦然蓋西為先聖舊位避不敢居今四配東西對列非其舊矣禮時為大則兩廡亦以對列為敘而尊卑從此定焉東西遞互遷躋復又何疑今

既不可較量爵秩以傷尚德之雅又不敢軒輊德行以  
恣月旦之評獨有論世論齒於義為允秦漢隋唐其世  
可考宋元以來譜傳更詳不揣稍為校正以待將來誼  
存齒學或亦可行惟七十二子之齒載籍舊多遺脫即  
載在家語史記者彼此亦有互異如子游子羽子羔樊  
遲各差十年有子差二十年叔魚差七年大抵難據自  
施子以上應姑仍舊但改祀黜祀者東西通融移補其  
東三十一位之秦非宜晉二十九位而以申顏次之以

列秦漢諸儒之前其餘序列如左

兩廡對列考定位圖

東一位澹臺子

滅明

西一位宓子

不齊

東二位原子

憲

西二位公冶子

長

東三位南宮子

適此下改祀一位曾點

西三位公析子

哀此下改祀一位顏無繇

東四位商子

瞿

西四位高子

柴一位公伯寮此下黜

東五位漆雕子

開

西五位司馬子

耕

東六位樊子

須

西六位有子

若

東七位公西子

赤

西七位巫馬子

施

東八位梁子

鯉

西八位顏子

辛

東九位冉子

孺

西九位曹子

邨

東十位伯子

虔

西十位公孫子

寵

東十一位冉子

季

西十一位秦子

商

東十二位漆雕子

哆

西十二位顏子

高

東十三位漆雕子

徒父

西十三位穰駟子

赤

東十四位商子

澤

西十四位石作子

蜀

東十五位任子

不齊

西十五位公夏子

首

東十六位公良子

孺

西十六位后子

處

東十七位奚容子

歲

西十七位公肩子

定

東十八位顏子

祖

西十八位鄒子

單

東十九位勾井子

彊

西十九位罕父子

黑此下點一位申黨

東二十位秦子

祖

西二十位公祖子

句茲

東二十一位榮子

旂

西二十一位縣子

成

東二十二位左人子

郢

西二十二位燕子

叔



東二十三位薛子

邦

西二十三位顏子

之僕

東二十四位原子

亢

西二十四位樂子

欬此下黜一位顏何

東二十五位廉子

絜

西二十五位叔仲子

會

東二十六位狄子

黑

西二十六位邦子

選

東二十七位子蔑子

忠

西二十七位公西子

興如此下改祀二位蘧瑗林放

東二十八位公西子

歲

西二十八位施子

之常

東二十九位秦子

非

西二十九位陳子

亢

東三十位申子

張

西三十位琴子

張

東三十一位顏子

曾此下既祀一位孔鯉黜一位荀况

西三十一位步叔子

赤公在賢但仍舊東西通進不敢更

東三十二位左丘子

明此下位次更定故改黜不意注

西三十二位公羊子

高

東三十三位穀梁子

赤

以上周末

西三十三位伏子

勝

東三十四位高堂子

生

以上秦漢間人

西三十四位董子

仲舒

東三十五位子國子

安國

西三十五位毛子

萇

東三十六位后子

蒼

宣帝時人

西三十六位杜子

子春

東三十七位王子

通

隋人

西三十七位韓子

愈

東三十八位胡子

瑗

生宋宗淳化癸巳

西三十八位歐陽子

修

生真宗景德丁未

東三十九位邵子

雍

生大中祥符

西三十九位周子

惇頤

生天禧丁巳

東四十位司馬子

光

生天禧己未

西四十位張子

戴

生天禧庚申

東四十一位程子

顯

生仁宗明道

西四十一位程子

順

生明道癸酉

東四十二位楊子

時

生皇祐癸巳

西四十二位胡子

安國

生神宗熙寧甲寅

東四十三位羅子

從彥

生元豐

西四十三位李子

侗

生哲宗元祐癸巳

東四十四位朱子

熹

生高宗建炎

西四十四位張子

拭

生紹興乙卯

東四十五位呂子

祖謙

生紹興丁巳

西四十五位陸子

九淵

生紹興己未

東四十六位蔡子

沈

生孝宗乾道

西四十六位真子

德秀

東四十七位許子

衡

西四十七位薛子

瑄

生宋寧宗嘉泰

生皇明洪武己巳

東四十八位陳子

獻章

西四十八位胡子

居仁

生宣德庚申

生宣德甲寅

東四十九位王子

守仁  
生成化壬辰

從祀先賢辯

仲尼弟子子貢擬於辯士貽亂齊霸越之譏宰我溷於

闕止蒙作亂見誅之謗以彼誼存宗國忠衛其君乃受

厚誣若此抑或者賜不受命予訛何誅聖人固豫卜其

後而教敕之若所擬於行行之由者乎然才辯所使義

激之過固當異於中行觀過知仁不足深辯前人亦曾  
辯之其姓名承誤者以薛邦為鄭國以邦選為邦選考  
之家語薛邦字徒邦選字子斂紀載甚明而司馬貞史  
記索隱亦為之辯曰漢人諱邦為國也又曰文翁圖作  
國選亦避諱也以字繹之訛薛為鄭緣以左官作右邑  
隸文之誤今兩廡未改尚稱鄭邾業有知其誤者亦不  
足辯獨是公孫子石家語稱公孫寵衛人史記則稱公  
孫龍俱不詳其事實然俱載少孔子五十三歲史記益

軻傳附及趙有公孫龍為堅白同異之辯而繼之云或曰並孔子時或云在其後則堅白同異之公孫龍亦未敢信謂受業孔氏之公孫龍也至索隱則直以為仲尼弟子矣而又曰此云趙人弟子傳作衛人鄭玄云楚人各不能知其真似猶有傳疑之意焉乃宋人不復置疑大加排詆近儒尊宋遂謂當黜其祀以理論之堅白同異俶詭不倫盜名惑世允為吾道之賊但子石躬事聖人身通六藝不應任誕乃爾循循善誘亦豈其無所取

裁而置不屑教以至於是即流弊不同如吳起初事曾子荀卿派出子夏誠不可知然亦聖遠言湮壞於再傳數傳之後未有身親受業而末路談衷諛畔道如白馬非馬之談者又孔子玄孫穿與公孫龍論臧三耳龍不能屈既與玄孫同時其去孔子必遠何緣得及門牆而與游夏之徒並稱弟子乎於稽其年龍少孔子五十歲孔子生於周靈王二十一年庚戌則龍生敬王二十二年癸卯距周赧王之立已一百八十四年而龍為

趙公子平原君之客平原君以赧王五十七年合楚魏之師以存邯鄲而龍於是時沮虞卿之請封夫使其為仲尼弟子子石也者壽殆二百四十餘歲恐無是理家語弟子籍出孔子的古文當可信所紀公孫寵衛人者良是寵與龍其名既異衛楚又異春秋戰國又異明係先後兩人而以遷史一字之謬索隱因合為一人以誤後學事之可哂莫過於此即云子石少事孔子晚年及與穿遊然孔子歿於敬王四十年壬戌距是時亦二百餘



年子思孔子問答儒者尚疑未信而况穿又七世之孫  
哉抑或彼子石者延齡久視有出常理之外亦安得龍  
鍾垂暮之年而尚曳裾侯門與後生輩競其齒吻若謂  
子石實龍非寵家語誤載然古今人同名者亦自不乏  
漫焉訛以傳訛正如詭纂夏之羿於陶唐詫殺人之參  
於曾母疑叩馬之伯夷復典禮於虞廷稱堯命之羲和  
經迎筴於黃帝流言止於智者此之謂矣猶幸歲月不  
磨史冊可據如法言之揚雄畢竟非劇秦美新之揚雄

士人忽考究輕詆訛又易隨聲附會遂使吾孔氏之徒  
與行喪尸校慎到淳于髡之流同類而蒙詬者一千六  
百餘年豈不悲哉張守節正義公孫龍子十四篇顏師  
古云即為堅白之辯者蓋亦未敢執為仲尼弟子也蓋  
其誣自小司馬始

啓聖祠原始

宋真宗大中祥符元年十一月封泰山幸曲阜謁太宣  
王廟幸叔梁紇堂命官分奠追封齊國公顏氏魯國

太夫人伯魚母卅官氏鄆國夫人

封大宣王父母詔曰朕以祗陟岱宗親巡魯甸永懷  
宣聖之德躬造闕里之庭奠獻周旋欽崇脩至惟降  
靈之所自亦錫羨之有初像設具存名稱斯闕宜加  
追命以煥典章叔梁紇宜追封齊國公顏氏宜追封  
魯國太夫人遣都官員外郎王勵精虔祭告封鄆國  
夫人詔曰朕時巡魯鄙躬詣孔堂顧風教之所尊舉  
典章而既渥眷惟令淑作合聖靈載籍簡冊之文尚  
闕封崇之數屬茲咸秩特示追崇垂厥方來式昭遺  
範卅官氏宜追封鄆國夫人仍  
令兗州遣官詣曲阜廟祭告

元仁宗延祐三年七月追封孟子父為邾國公母為邾

國宣獻夫人

太宗至順二年九月加封叔梁紇啟聖王顏氏啟聖王  
太夫人并官氏為大成至聖文宣王夫人

詔曰闕里有家系出神明之胄尼山請禱天啟聖人之生率觀人文敷求往哲維孔氏之有作集羣聖之大成原道統則堯授舜傳至周文王論世家則契至湯下逮正考父其明德也遠矣故生知者出焉有開必先克昌厥後如太極之生天地如巨海之有本源雲仍既襲于上公之封考妣宜脉夫素王之爵於戲君子之道考而不謬建而不悖於以敦典而叙倫宗廟之禮愛其所親敬其所尊於以報功而崇德尚篤其慶以相斯文齊國公叔梁紇加封為啟聖王魯國大夫顏氏加封啟聖王太夫人加封大成至聖文宣王夫人詔曰我國家傳典禮以彌文本閨門而成教乃瞻素王之廟尚虛元魄之封有其舉之斯為盛

美大成至聖大宣王妻升官氏來靖聖室垂裕世家  
蓮豆出房自流風於殷禮琴瑟在御存燕樂于魯堂  
工言邈若於遺聞儀範麗乎其合德作爾輝衣之像  
稱其命鼎之名意秩秩彝倫吾欲廣闢雕鵲巢之化  
皇皇文治天其興河圖鳳鳥之祥  
可特封大成至聖大宣王夫人

順帝元統三年五月贈顏子父無繇為杞國文裕公母  
齊姜氏為齊國端獻夫人妻宋戴氏為兗國貞素夫  
人改塑杞國公像冕九旒服九章杞兗二夫人各建  
殿祀於曲阜

國朝世宗肅皇帝嘉靖九年令兩京國子監及天下學

校通建啟聖祠祀孔子父叔梁紇以先賢顏無繇曾點孔鯉及孟子父激公宜配享堂上宋儒程珦朱松蔡元定俱從祀兩廡

先是弘治元年吏部尚書王恕請立祠廟祀啟聖王以祀國公顏無繇萊蕪侯曾點泗水侯孔鯉邾國公孟孫氏配享永平伯程珦獻靖公朱松從祀大抵因侍講學士程敏政之議禮官持不可遂已十四年侍郎魯鐸復議如前亦不合至是從輔臣張璁之請詔天下學校俱建啟聖祠其配享從祀俱如前疏又用桂華議併蔡元定從祀程桂議見前釐正疏

今上萬曆二十二年增周輔成從祀啟聖祠

從湖廣撫按郭惟賢等議也。藻按孔庭從祀賢儒，蓋有三等：親炙聖門身通六藝，其一道德著聞人倫，師表其二，綜述遺經發明聖教，其三即今見在祀典。諸儒固無論已，罷祀若鄭玄、鄭衆、盧植、服虔、范甯，皆經師也；吳澄人師也，而嘉靖釐正愚罷而祀於其鄉，周氏輔成、品槩經術視諸子不知何如，而從祀欲聖，乃偏於天下之學校議禮者，似嚴於孔庭之脩食而稍寬於啟聖之錫類也。末學不敢妄議，第謂人師經師若康成、草廬者而已，祀復罷，又如唐之孔穎達、宋之游呂、胡楊國朝之吳曹羅湛諸君子，允為一代儒英，率能闡翼遺經，紹明聖統，然而不得與程朱周三子之父共歆秩祀，萬世學者儻亦有入廟興感而致疑於軒輊之未審者乎？

## 位次

正祀

啓聖公孔氏

叔梁紇鄒大夫黃帝之後至帝嚳生契封於商賜姓  
子氏以帝乙之長子微子啟受周封為宋公四傳至  
湣公共生弗父何讓國於弟而世為宋卿其曾孫正  
考父三命滋益恭者也生孔父嘉始以孔為氏嘉生  
木金父避華督之難奔於魯金父生祈父祈父生孔  
防叔為防大夫是生伯夏伯夏生叔梁紇紇九女而  
無子其妾生長子曰孟皮有足疾不任繼祀乃求婚  
於顏氏顏氏禱於尼山以魯襄公二十二年十一月  
庚子生孔子即周靈王之二十一年也宋大中祥符  
元年封孔子父叔梁紇為齊國公元大德十一年加  
封啟聖王國朝因之嘉靖九年改今稱聖門志贊  
水精慶祚勇力長驅神監尼阜瑞吐玉書丹山威鳳



滄海明珠啟聖  
百代天壤與俱

### 配享

先賢顏氏

東一位

史記顏無繇字路家語作顏繇字季路為魯卿士孔子始教於闕里而受學焉娶齊姜氏生子回為聖門高弟唐開元贈杞伯從祀孔庭宋大中祥符加封曲阜侯元元統加封杞國公謚文裕嘉靖九年改今稱祀啟聖祠宋高宗御製贊人誰無子兩嗣標奇行為世範學為人師請車誠非傾匪其私千載之下足以示慈丁謂贊素王將聖實為我師顏子殆庶趨庭學詩請車無媿陋巷安卑追榮侯服逢此上儀

先賢曾氏

西一位

家語曾點曾參父字子皙史記作曾蒧字皙唐贈宿伯從祀孔庭宋大中祥符加封萊蕪侯嘉靖改從今祀宋高宗御製贊惟時義方有子誠孝怡怡聖域俱膺是道暮春舞雩詠歌至教師故與之和悅宜紹冉季浴乎舞雩詠歌道義遇我慶成錫壤進位

先賢孔氏

東二位

鯉字伯魚孔子年十七娶宋之开官氏二十仕魯委更生伯魚適昭公以鯉魚賜孔子遂名鯉榮君賜也先孔子卒宋崇寧贈泗水侯咸淳從祀孔庭嘉靖改從今祀聖門志贊商王啟祚徽子開先周召是訓詩禮並傳父作至聖子述上賢天倫慶殖奕葉萬年

先賢孟孫氏

西二位

激公宜魯公族也娶仇氏生軻三歲而孤母有三遷之教今鄒縣孟廟有斷機堂祠焉元延祐中封亞聖父邾國公母邾國宣獻夫人嘉靖從祀孟孫氏於啟聖祠高士傳孟母贊母何聖善能教則然慕市學宮非可屢遷女士若休示學靡全成此名儒莫由已焉

## 兩廡從祀

### 先儒程氏

東一位

珦字伯溫洛陽人顥頤之父也克已為義內行惇飭崇正闢邪俸南安軍識周茂叔於獄掾而友之使二子受學焉熙寧時以詆新法罷仕終大中大夫贈永年伯嘉靖九年祀明張朝瑞贊束身飭行齋已寵義歷官一介成子兩驥清節表世新法抗議甲會熙恬公參其四

先儒朱氏

西一位

松宇壽年婺源人嘉父也嘗師羅從彥紹興官吏部員外郎兼史館校勘以詆和議出補旋卒學者稱章齋先生元至正追謚獻靖尋封齊國公嘉靖九年祀聖門志贊早挾才思尋酣道腴追宗河洛抗直權輿授子三友為世大儒

標美父鵠蔚然華萼

先儒蔡氏

東二位

元定字季通建陽人沈之父也薦召不任事晦菴以黨禁死道州所著有律呂新書燕樂原辨皇極太玄潛虛指要洪範解八陣圖說大衍詳說嘉定中贈迪功郎謚文節學者稱西山先生嘉靖九年祀聖門志贊學嘗啖蔗行不愧影說理精瑩沙道要領腹笥百家情田萬頃箕裘者三丹青彪炳

先儒周氏

西二位

輔成道州營道人惇願父也仕桂嶺令萬歷二十二年以楚中撫按言列從祀張朝瑞贊周族繁衍營道為盛昆友聯翩諫議獨夔六舉成名花封試政薦生碩儒俎豆啟聖

祀典存疑

藻按宋以來顏曾子思配享堂上顏路曾皙伯魚從祀兩廡自洪邁姚燧以為崇子抑父而熊禾遂謂宜別設一室祀叔梁紇遷三子以配焉我朝程敏政亦主其說嘉靖釐正業已通行無庸異議然而尚有疑者孔庭從

祀四配尚矣十哲次之兩廡漸降至啟聖祠推及所生  
似又降焉以曾皙學見大意欲修禮教夫子善之顏路  
魯之卿族少夫子六歲而能折節受業子淵之死至不  
能具槨以請子車此其羔羊素絲之節與夫師友一體  
之誼有可想見然則二賢之在聖門固俱所謂高足弟  
子也維子之故而俾之侑享別祀曾不得躋於公夏句  
井諸公以寓目於金聲玉振之樂似與近世貤封之貴  
若是班者他弗具論曾子之孝也而忍遠其親以已之

賢而降其祀躬侑乎四配之列以為榮殆必不然即顏氏一姓庶祀六人安知其中不更有父兄在而獨遷顏路此亦顏子之心所未安也唐以前第配顏子固以好學不惰殆庶之詣獨冠羣賢故耳其餘有繪無祀暨貞觀乃列子夏於經師開元漸躋十哲元豐咸淳漸增四配而兩廡賢儒之祀遂徧天下於是乎子祀堂上父祀廡下之議興焉而抑孰知子祀廟庭父配別祠禮之隆殺非特堂上廡下之判而已乎王子充曰曾子子思仍

宜降居父下是也然而無可以處顏子者顏子配食自  
曹魏正始迄今固不可降而曾思孟又皆聖道嫡傳四  
百年來與顏並配天下莫或以為非藉第令配顏而降  
曾子降思孟萬世學者之心必不謂慊惟是配之為義  
則有可得而論者配者神之主也郊特牲云大報天而  
主日方氏以為天尊而無為故以日為之主猶之王燕  
飲則主以大夫王嫁女則主以諸侯是則所謂主也祭  
義云大報天而主日配以月陳澔以為有其祀必有其



配猶祀社必配以勾龍氏祀稷必配以后稷氏是則所謂配也祭必有主所謂自外至者非主不止也主無二配所謂郊廟之尊明不敢瀆也有虞氏禘黃帝而郊嚳殷人禘嚳而郊冥周人圜丘之禘以帝嚳配感生之祭以后稷配曲禮疏云后稷為天地之主文王為五帝之宗則祀皆一配而已故西漢惟以高祖配天東漢惟以光武配帝唐初三祖迭配至乾封並配而韋縚非之宋初二祖二宗迭配至皇祐以太祖太宗並配而楊敞非

之開元嘉祐卒定一配之制我國朝諸大亨祀恪遵古典亦僅一配而孔庭沿宋四配制獨異焉夫謂吾夫子之居歆藉諸賢為主也將必不爾抑謂禮隆聖師誼同天道由卑達尊有取於配如祀天之必配以祖者乎則一之已足禮不貴多貞觀二十二賢開元十哲與夫進曾子於十哲之次當時第名從祀不謂配享殆猶行古之道而未可謂為未備之禮也竊思配之有四大抵以道統論自顏子而外曾思孟遞演宗傳是故祖仲尼

而宗四配禮同宗廟制異郊丘則夫堂上之配自是後  
學隆道之懷非闕昔賢展親之典故有所專七十子俱  
望下風路暫伯魚即抑在兩廡亦無所拘必欲拘以分  
誼豈惟路之於回暫之于參伯魚之于伋彼七十子者  
大抵以子思視之皆父執以孟子視之皆前輩也而儼  
然躡踞其上雖倫殊父子而禮存齒胄則師友淵源之  
漸克類至義亦必有梃而今不盡論固知重在道統則  
廡祀俱可相安不必崇其子而故遠其父也且夫路暫

伯魚以視激公宜則又有間矣觀孟母三遷之教於今為烈即激公宜刑家之範亦自可思躋祀非濫然而可以配啟聖未必可以班三子三子者品高狂簡人為升堂入室之英學嗣箕裘祀有同堂異室之典以賢以齒兼以子為大賢即升之四配之上俾父子祖孫衍饗一堂以昭千古獨盛之典似不為過或者更可以妥聖賢之靈乎但配義無取於多而溢祀反嫌於瀆故昔宋景濂之議以為天下學校宜祀顏曾思孟其餘各及邦之

先賢雖七十二子之祀在所當罷而第於國學設之引  
唐開元禮國學通祀七十賢諸州但配先師顏子為証  
亦一義也第有其舉之終莫敢廢今之配享既殊古典  
頗類宗祊而祭止春秋上丁亦非古者學官四時釋奠  
之禮竊謂宜倣景瀛之意稍增飾之而春秋第配顏曾  
思孟歲卜一日進七十子於堂而通祀之如古者祫祭  
之禮而以路暫位於子淵子輿之上還伯魚於舊位暫  
以思孟居七十子之次餘儒仍祀兩廡祀畢則別為一


室以藏其主誼或兩全顧不知其可行否也若疑復聖  
宗聖述聖亞聖之尊不宜更以先賢加乎其上則封號  
本自勝國聖賢亦豈以是為輕重哉每思兩廡羣賢自  
論語家語記載而外嘉懿泯滅師儒秉鬯大抵憶姓名  
於彷彿所稱几筵棖桷如見其人入戶愾然如聞嘆息  
者總不可強顧不如唐人僅祀經師誦其書修其祀典  
猶或申如在之敬也國朝崇儒議禮屢有損益欲安三  
子之祀故增啟聖之祠實借啟聖之尊以見三子雖配

他祠禮無貶於兩廡抑亦祀海先河明教天下以孝故  
與其增躋配位而道統不專毋寧推尊叔梁而聖孝益  
廣廟謨淵微或者為是要於其當孔子萬世師也故天  
下學校可以通祀漢諸帝立廟郡國則議者率以為瀆  
啟聖之有祠有配有廡也以為隆吾孔孟程朱之道也  
歟哉乃孔孟程朱之道即義軒堯舜湯文之道義軒堯  
舜湯文此數聖人者實開道統之傳然自帝王廟一祀  
之外禮不推及所生即皇師帝師王師祀在文華殿亦

非太常所領而獨以素王之徒當此推崇曠典蓋當年  
議禮諸臣一切推恩自出有不覺錫類之太廣焉者莊  
誦聖諭僭王號則削僭八佾十二籩豆則減雖禮意務  
極褒尊顧制節謹度其防不假而惜乎諸臣之仰承德  
意其稽考猶有所未盡也凡天下所以徧祀孔氏之徒  
者重其道也重道則必其纖悉之不違而道近瞿布衣  
亦不安於三賢啟聖之配又謂林放公孫尼琴張牧皮  
孟懿子武伯俱弟子當祀顏冉顏何不當黜王元美謂



八旬十二邁豆不當減大成殿之名不當改與宋景瀛  
位向庭燎獻醋諸議皆鑿鑿乎有據者存其槩俟秉禮  
者審焉



類宮禮樂疏卷二